

DANIELIS FARLATI

Presbyteri Societatis Jesu

DE ARTIS CRITICÆ INSCITIA

ANTIQUITATI OBJECTA

LIBER SINGULARIS.



V E N E T I I S M D C C L X X V I I .

APUD SEBASTIANUM COLETI.

SUPERIORUM PERMISSU.



THE UNIVERSITY OF CHICAGO

LIBRARY

100

100

100

100

100

100

100

100

100

100

100

JOANNI PAULO
DELPHINO
EPISCOPO CENETENSI



JACOBUS COLETUS.

NEquae bonorabilius quidquam, neque jucundius mihi potuit accidere, Clarissime Antistes, quam ut liber hic tuo nomine inscriptus eaderetur. Exiguus quidem sua tenuitate est, ac Scriptoris merito, & rerum veritate, quas complectitur, baud ita parvus, ut despici posset, & publica, quæ nunc gaudet, luce privari. Erat autem aqua mihi causa propofita, cur te praeteris

*



tuis deligerem hujusce operis Patronum ; quippe
 eximias animi ingentique dotes in ipso Auctore ali-
 quando probaveras iudicii tui testimonio ; & in e-
 jusmodi studiis , quæ Criticam Artem spectant , &
 usum ad res Ecclesiasticas tractandas , a prima fere
 juventute fueras ingeniose , sapienterque delectatus .
 Ad hæc vero , & ad graviores quasque disciplinas
 excolendas cum esses jam excellenti indole , aptoque
 ingenio a natura efformatus , nil profecto mirum ,
 si tantum ex iis perceperis oblectamenti , ut inde
 uberrimos postea Theologica doctrina , ac sacra eru-
 ditionis fructus fueris affectus . Qua in re & illu-
 strum e tua Gente virorum exempla es imitatus ,
 qui Delphinum nomen mirifice doctrina extulerunt ,
 & Ordinis Lateranensis , cui adolescens temet de-
 didisti vero religionis ac pietatis impulsu , vetusta
 decora novo auges sapientiæ tuæ , & , qua hinc per-
 ficitur , religiosæ virtutis splendore : unde tibi adi-
 tus paruit , quo tuis ipse meritis ad hunc Episco-
 palis dignitatis gradum conscenderes ; Majorum tuor-
 um sive ex eadem Gente , sive ex Ordine illo fer-
 me ritum vestigiis . Neque ego Gentis Delphina hic
 velim præconia persequi ; cui par non essem laudan-
 da , præsertim cum Petrum illum memineris , sum-
 mum Camaldulensium Monachorum decus , totique
 Europæ baud minus sanctissimis moribus , quam
 do-

doctrinis, ac dignitate conspicuum; neque Ordinis
 tui ingentia in Ecclesiam merita commemorem, aut
 egregios in scientiis ac litteris qualibet ætate cole-
 dis labores, quæ immensam ad scribendum segetem
 suppeditarent: sed hæc animadvertens facile intelli-
 go, tantum e tuo nomine bonoris, atque ornamen-
 ti huic lucubrationi accedere, quantum optare vix
 audeam, eoque illud amplius, quod patrocinio in-
 nixa sit ac fulta talis Antislitis, qui cum ab
 Apostolo Paulo didicerit, profanas vocum no-
 virates, & oppositiones falsi nominis scientiæ
 devitare, eum, qui secundum doctrinam est,
 fidelem sermonem hausit e puro sacra Antiqui-
 tatis fonte, ut potens esset exhortari in doctri-
 na sana, & eos, qui insolenti inanis gloriola stu-
 dio, non ullo veritatis amore ducti contradicunt,
 arguere. Quem te esse gaudet Cænesensis Ecclesia,
 & hætenus experta est, maximo omnium bono,
 quorum æterna incolumitati ita invigilas, ita con-
 sulis, ita studes, ut nullum doctoris, ac patris
 munus sit expetendum, quod iisdem a te non fue-
 rit æque amantissime, ac sapientissime præstitum.
 Equidem cum tuam ipse memoria recolo animi hu-
 manitatem, qua me excepisti aliquando, tum sua-
 vissimam consuetudinem tuam, & agendi loquen-
 dæ summam cum gravitate conjunctam affabili-
 tatem,

*tatem, bis te perspicio optima natura donis cum-
 mulatum fuisse, ut praeclaram inde Patris ac Pa-
 tris formam referres, quam credita tibi Ecce-
 lesiae oves diligere simul, ac reuerentur, tuis-
 que praeceptionibus ac monitis eo libentius obtem-
 perarent, quo amantiori paterna caritatis dulce-
 dine essent dispersa. Et hoc igitur mihi iucun-
 dius est, lucubrationem hanc in tuam tutelam a
 te fuisse receptam, quod neque exiguum licet mu-
 nus pro tua ipse bonitate velles despicere, & si-
 quid minus rectum in subiectas saltem notationes
 irrepsit, excusare optime noffes. Id vel tua
 mihi testantur supreme litterae tanta benevolentia
 scriptae, ut reverentia erubuerim; id praeterita
 consuetudinis perhonorifica recordatio; id tu de-
 mum ipse, qualem, non mea dicam experientia,
 sed constans se novis esse sapientum virorum ju-
 dicium. Quamobrem unum superest, quod orem,
 ut haec praeterea animi sensa eodem favore prole-
 qui velis, tuique venerationi totum me additis-
 simum pari benignitate tueri.*

De Artis Criticæ inscitia
Antiquitati objecta

L I B E R.

Qui hac nostra ætate se Criticos (1) dici haberi-
que volunt, artis suæ fiducia tantum sibi ar-
rogant, ut de rebus omnibus quod cuique lu-
bet veroque similis videtur, libere sentiendi & pro-
nunciandi jus, potestatemque sibi usurpent. Siqui-
dem hoc ipsius artis proprium est ac præcipuum,
nisi summa cautio ac provisio, quæ sane paucorum
est, adhibeatur, ut homines faciat elatos, præstandi
cupidos, aliorum contemptores, sibi que adeo præsi-
dentes, ut cum omnia suo iudicio subjiciant, nullius
ipsi iudicium subire velint. Nihil validius inveniri
posset ad cohibendam istam licentiam, libertatemque
judicandi, quæ in dies latius serpit, & omnem lé-
gitimæ censuræ modum prætergreditur, quam reve-
rentia illa, & quædam quasi religio, quæ sacræ An-
tiquitati debetur, si hujus auctoritas tanti ponderis
apud Criticos esset, quanti esse deberet, ut non ali-
ter sibi de qualibet re sentiendum putarent, atque a
majoribus judicatum, & posteris bona fide traditum
fuit. Sacræ quippe, & ecclesiasticæ Antiquitatis no-
men gravissimum est, atque sanctissimum, magna vis,
auctoritas summa, ut æquis iniquisque ingentem quan-
dam animo venerationem metumque objiciat, nec
liberam contra se vocem erumpere sinat: ex quo fit,
ut sapientissimus quisque Antiquitati vel plurimum
deferat (2), hujusque omni in re consensionem præju-
di-

A

di-

dicatæ sententiæ loco habeat, cui repugnare extremæ cuiusdam audaciæ sit.

Porro Critici nostri, qui nihil sibi non licere putant, quod omnia suæ arti concedenda prædicant, nihil ægrios ferunt, quam si quis huic licentiæ nullis vinculis adstrictæ, & passim ac libere per omnia vaganti Antiquitatis objectu quosdam quasi frænos injiciat, tantumque de suo jure detrahi censent, quantum auctoritatis ac fidei Antiquitati tribuitur. Quare nè quid Criticæ officiat, quominus non solum libere, quacumque velit, sed etiam licenter errare possit, hujus artis usum ac scientiam Antiquis adstant, sibi utis attribuunt, eo nimirum consilio, ut vulgo persuadeant, veterum placita ac testimonia haud magni momenti esse ad fidem faciendam, & quidquid illi scriptum reliquerint, id omne posterorum iudicio expendi, atque ad Criticorum tribunal revocari oportere. Ita Antiquitatis auctoritate imminuta & reverentia propemodum omni sublata, hunc quasi obicem amoverunt, quo se ac suarum opinionum licentiam cohiberi, & in exiguum angustumque concludi videbant. Neque vero hæc a me consilii putēs, ut inde materiam invidiæ adversus Criticos quaram, auctorque sim hujus artis e republica litteraria eliminandæ, quæ ipsa per se optima est, magnoque in litteris usui; sed quorundam vitio male audit, qui in veterum rerum memoriam præsertim sacrarum plus nimio sibi licere existimant. Hæc suspitionem diluunt, qui principem locum inter Criticos tenent, quique testes mihi esse possunt, nihil à me falso, nihil invidiose, nihil calumniandi causa dici.

Non est, opinor, Bailletus (3) inter postremos Cri-

Criticos adnumerandos, neque, ut videtur, inter illos, qui de Artibus Criticæ scientia facile aliis concedat. Is porro in eâ dissertatione, quam Tom. 3. *de Vitis Sanctorum* præposuit, id agit, in eo maxime laborat, ut nobis persuadeat, nullum ab initio Ecclesiæ usque ad sæculum decimum sextum extare opus de Actis Martyrum, sive Divorum Historiis inscriptum, quod perfectum sit, multaque licura non indigeat, & ex omni memoria superiorum ætatum neminem inveniri posse, si unum Eusebium excipias, qui aliquid in eo genere tolerabile posteris reliquerit. Quid ita? (4.) quia Majores nostri & idoneis monumentis carebant, ex quibus perspicere ac judicare possent quid in quaque re verum, sincerumque esset, neque ceteris subsidiis ad id necessariis instructi erant, quæ sive a natura donari, sive ab arte comparari solent. Idem paullo infra veteres omnes, qui Martyrum certamina litteris consignarunt, in eadem culpa & suspicione ponendos censet, cum illis objicit, quod Acta Martyrum undique & sine ullo delectu colligerent, propterea quia neque ingenii perspicaciæ ad discernendum, neque artis criticæ prudentiæ ad judicandum satis valebant.

Elias Dupinus (5) in primis Criticorum clarus ac nobilis, is, qui omnes ecclesiasticos Scriptores evoluit, & suis quemque momenti ponderavit, ut libros Sybillinos rejiceret, quos ceteroquin videbat summo totius Antiquitatis consensu & receptos & approbatos, tantam nubem testium sibi oppositam hac una ratione discussit lib. 1. *Bibl. Eccl.*, quod veteres illi Patres hujusmodi versus Sybillarum nomine subjectos ad Criticæ leges non satis expenderint, quippe cum aliis

multo gravioribus curis occuparentur; ex quo fieri, ut sæpe in historia errent turpissime, & librorum suppositorum testimoniis ad fidem faciendam abutantur. Idem paullo ante docuerat, nemini vitio dandum esse, quod in iis, quæ ad Criticem spectant, a communi veterum sententia recedat, ut juniores, qui contra sentiunt, sequatur; licet ii quidem hæreseos suspecti essent, modo tamen docti, criticesque bene periti haberentur. Nam, ut ibidem docet, illud sæpe accidit, ut antiqui Scriptores, iidemque rebus gestis æquales ex ore alterius multa scribant, & sine ulla dubitatione affirmant, quæ ipsi neque viderint, neque ad criticam disquisitionem vocaverint.

Natalis Alexandri magnum in Criticis nomen fuit; quippe qui summam in eo genere laudem adeptus sit ex Historia Ecclesiastica, quam scribere aggressus nihil se præteritum profiteretur, quin ad vivum recet, & sub acumen gravissimæ severissimæque criticæ subjiciat. Vide porro quam ille viam rationemque inierit, ut veterum auctoritatem eluderet, sicuti forte suis opinionibus adversaretur. Quæris ab eo quid sit, quamobrem librum illum, cui nomen est (6) Pimandro, reprobandum duxerit, negaveritque Mercurium Trismegistum habendum esse illius auctorem? cum ceteroquin huic libro Justinus, Lactantius, Augustinus, Cyrillus Alexandrinus; alique Patres fidem & auctoritatem adjunxerint; eundemque Mercurio Trismegisto adjudicaverint: in promptu est ratio, quam suæ opinioni subjiciat: Patres nimirum adscriptos fuisse communi Æthnicorum errori, qui hujusmodi librum & magni facere, & Mercurio attribuere solebant; de illius auctore, & auctoritate haud

ma-

magnopere laborasse, cum gravioribus occupationibus distinerentur, quam ut partem aliquam curæ & cogitationis suæ in hæc Criticorum studia derivare possent: *Respondeo*, inquit, *Patres illum hoc nomine citasse, quia illum Mercurio Gentiles tribuebant, illumque magno habebant in pretio*. . . . Ceterum an Mercurii revera esset; necne, Patres non expenderunt: *maiora in studia incumbentes*. Sollemnis hæc est, & usitata Criticorum responsio, ut se majorum auctoritatibus quam possunt honestissime expediant: ajunt enim illos tot tantisque negotiis, & laboribus, iisdemque necessariis impeditos fuisse; ut de criticis rebus nec cogitandi quidem spatium habuerint; nec sane gravate illis alia omnia concedunt, ut criticæ artis usum & facultatem iisdem eripiant, quam ad hæc tempora, sibi quæ unis reservatam esse volunt. Quid quod idem auctor ab criticorum censura ne Concilia quidem, nedum Auctores mediæ ætatis eximenda censet; & quod juris, auctoritatisque omnium concessu posteriora in anteriora Concilia usurpant in iis rebus, quæ neque ad fidei neque ad morum constitutas regulas pertinent, id quoque criticis suis æqualibus concedendum putat: Sæc. primo tom. 2. diss. 20. pag. 222. Hist. Eccles. *Si enim*, inquit, *posteriora Concilia hujus habent corrigendi priora*, . . . non mirum, quod Concilia, & eruditos Auctores, qui post octavum sæculum vixerunt, Viri hujus sæculi doctissimi emendent in rebus criticis, quorum mediæ ætas rudis erat (7.).

Richardus Simón, is qui (8.) ad sacros Codices interpretandos, & antiquas ac vulgo receptas interpretationes corrigendas adjumenta omnia, quæ ab ar-

te critica suppeditari possunt, sibi comparaverat, ut in re critica nemini concedit, sic in contemnenda dispiciendaque Antiquitate facile omnibus antecellit. Hoc in primis constituit, & omnibus, qui Criticis dant operam, notissimum, & persuasissimum esse jubet: neminem cui veritas cordi sit, summorum virorum neque nomine, neque antiquitate magnopere commoveri debere, prohiberive quominus suum ipse iudicium adhibeat; quippe pro certo habendum esse censet majores nostros ab iis subsidiis imparatos fuisse, quæ ad rem unamquamque existimandam, suoque momento ponderandam necessario requirantur. Præterea hoc maxime cuique cavendum ac providendum putat, ne in rebus criticis Patrum testimoniis nimis credulum se præbeat, ut etiam sine ratione earum apud se valeat auctoritas. Nam illi quidem ut in aliis studiis, optimisque artibus satis versati & exercitati essent, minime tamen criticorum arma & instrumenta, tractare consueverant; nec vero ab rebus gravioribus tantum, sed iisdem erat, ut multam in eo studio operam curamque consumerent.

His adde Auctorem Bibliothecæ criticæ, qui cum farsatur vim inesse vel maximam in unanimi Patrum consensu, idem tamen eodem loco hanc exceptionem subjicit: eorum auctoritatem, vel si omnes ad unum idem sentiant, parvi faciendam esse (9), ubi de rebus, & factis agitur, quæ critici juris sunt, & Criticorum trutinæ examinari oportet. Nec vero necesse est reliquos hujus artis principes nominare, & quemadmodum quisque de Antiquitate sentiat, & e cujusque scriptis elicere: nam qui unius sententiam reflexit, omnium pervenit. Ita omnes una & mente
& vo-

VII.

& voce hac de re consentiunt, licet de ceteris inter se plerumque dissident (10).

Haud equidem ignoro eos ipsos, quos modo recensui, alias aliter de Antiquitate loqui ac sentire; nemo sane est quin profiteatur se veterum auctoritati vel plurimum tribuere, & speciem quamdam religionis etiam, non modo reverentia erga illos praeferat. Sed huic sive religioni, sive reverentiae modum quemdam arbitrato suo praefiniant. Si quae isti mordicus tenent, obstinateque defendunt, iis majorum quoque patrocinetur auctoritas, aut certe non officiat, nihil sane apud illos est Antiquitate sanctius, nihil venerabilius. At ubi suas opiniones, in quibus unice se amant, veterum testimoniis labefactari convellique animadvertunt, tum antiqui Scriptores nihil sapiunt, vulgi rumores nullo delectu, nullo satis certo auctore aucupantur, uno verbo, artem criticam funditus ignorant. Quid porro est aliud veterum auctoritati illudere, eosque praese despiciere, & contemnere, si hoc non est? Si enim quidquid honoris ac reverentiae Antiquitati deferunt, in eo demum consistit, ut ex antiquis monumentis id tantummodo ratum habeant, quod suis ingenii arridet, profecto satis ostendunt, se ad id credendum probandumque non tam majorum auctoritate, quam suo quodam sensu iudicioque duci, parati negare illud idem, quod probent, si contraria quaedam opinio eorum animos mentesque preoccupasset. Si qua igitur de re antiquis Scriptoribus consentiunt, si quando eos probant ac laudant, non id propterea faciunt, quod eorum auctoritate moveantur, sed quia cum eo, quod ipsi sentiunt, illorum iudicia opinionemque concordant.

dant. Id autem nihil aliud est, nisi Antiquitati se insolenter præferre, & omnia, quæ ab antiquis scripta sunt, vel tradita, revocare ad suum sensum, & expendere ad illud sincerum ac subtile iudicium, quo se præditos esse gloriantur: quocum illa si cohæreant, haud illibenter admittunt, si discrepent, funditus repudiant. Ita fit, ut non aliunde, quam a se ipsis, recte sentiendi regulam sumant, qua vera & falsa dijudicent, ad quam veterum iudicia exigant, probent, castigent, excipiant, condemnent. Tantum ergo abest, ut se maioribus submittere velint, ut vel tum eos infra se abijciant, cum summis laudibus efferunt, in eorumque nomine, & auctoritate acquiescere videntur (11).

Quare nihil est, quod se tantopere Antiquitatem revereri, & colere profiteantur communi illo Criticis omnibus ac pene jam ridiculo scribendi proœmio, in quo præferunt, se ad veritatem inquirendam antiquorum vestigiis insistere, & ab his vel transversum unguem desleclere piaculi instar putare; qui contra sentiunt & faciunt, eos gravissimis verbis reprehendunt; de sua adversus Antiquitatem observantia, ac propemodum religione magnifice profitentur. Quorsum hæc enim spectat tam propensa, eximiaque erga veteres voluntatis professio? Eo nimirum, ut statim ab initio scribendi simulatione quadam & inani ostentatione sibi moderationis, modestiæque famam concilient; & hoc deinde impunius ac liberius de majorum auctoritate detrahant, simul atque se obtulerit occasio, quod cum antea eos amplissimis verbis ornaverint, omnem vel contemptus vel arrogantiae suspensionem ab se amovisse arbitrentur.

IX.

tur . Ceterum cum isti Antiquos auctores sive laudant , sive contemnunt , ea mens idque consilium est , ut jus illud , quod sibi in Antiquitatem arrogant , omnino tueantur . & quæcumque veteres tradiderint , ad suum arbitrium revocent , & cuncta suo judicio & censuræ submittant : ex quo fit , ut sicubi veteres contra scripserint , atque ipsi sentiunt , continuo illis fidem abrogent , atque ut eorum obundant eleventque auctoritatem , indiscriminatim omnibus objiciunt , quod Criticæ artis vim usumque ignoraverint . Nostri porro consilii , atque instituti est , Antiquitatem præsertim sacram & Ecclesiasticam ab ejusmodi calumnia vindicare , ut sua illi fides & auctoritas constet .

Quod a Platone primum , deinde ab Aristotele traditum Viri sapientes præcipiunt , omnem institutionem , quæ de re quacumque suscipitur , debere a definitione proficisci , ut intelligatur quid sit id , de quo disputatur , hoc in primis mihi faciendum arbitror , ne vagari & errare cogatur oratio , si inter quos differitur , non ante conveniat quid sit illud , de quo differitur . Critica igitur , si vim vocabuli spectes , nihil aliud est , nisi *Ars quædam judicandi , sive discernendi* (12) . Huic quasi materia , quam tractet , & in qua versatur , subjectum est quidquid amplissimis reipublicæ litterariæ finibus continetur . Etsi vero hujusmodi studium recte judicandi , quod mutuato a Græcis nomine *Criticæ* dicitur , per omnia litterarum , ac disciplinarum genera late fusum ubique locum habet , attamen Historicam provinciam jure quodam præcipuo tenet , eamque in primis moderatur . Nobis porro necesse non est omnia perfe-

B
qui ,

qui, quæ critici juris sunt, hujusque Artis professoribus uberem sane ac multiplicem materiam ad judicandum suppeditant; sed quemadmodum initio proposui, disputationes nostras ex ingenti quodam immensoque campo, in quo Criticorum studia longè lateque excurrunt, intra cancellos Historiæ, & quidem Ecclesiasticæ compellimus. Itaque probe definitur a nobis Critica, quatenus nostro instituto deservit, & paullo contraciior est, cum eam Artem esse dixerimus, quæ versatur in iis, quæ ad facram Historiam live scriptam, sive traditam referantur, & vera a falsis, verisimilia ab incredibilibus judicat, ac distinguit. Jam vero id nunc ago, id contendo, veteres ac majores nostros neque hujusmodi Criticæ ignaros, ac rudes fuisse, & ejus usum æque antiquis ac nostris temporibus viguisse, ut non temere illi quidem & inconsulte, quemadmodum Critici nostri putant, sed judicio quodam delectuque adhibito rerum Ecclesiasticarum memoriam litteris ac posteritati mandaverint.

Principio illud fumo, quod mihi ab omnibus dari concedique oportet, veri investigandi, & ab eo, quod falsum est, dignoscendi desiderium quoddam, ac studium ab ipsa nobis natura inditum esse; ut nihil sit, quod mens humana tantopere concupiscat, & quod suoapte ingenio avidius appetat, quam veritatem assequi & inquirere; nihilque item sit, unde vehementius abhorreat ac declinet, quam in errorem induci falsisque opinionibus imbui. Argumento est, quod nullo magistro, sed ipsius naturæ admonitu illud omni ope atque opera cavendum putamus, ne quis error mentibus nostris obrepat, neve quid nobis,

bis, nisi certum ac firmum, quantum rerum conditio paritur, animo inferatur; & cum voluntatem nostram, perlevi sæpe momento impellente, huc illuc pro arbitrio insectamus, in assentiendo tamen usque eo difficiles & morosi sumus; ut ab iis rebus, quibus nulla insit certæ aut probabilis judicandi, & assentiendi nota, assensum omnem cohibeamus. Hinc ab eadem natura docemur nihil esse præclarior, quam investigare ac perspicere quid in quaque re verum sincerumque sit, nihil turpius quam falli, errare, nescire, ac decipi. Ex quo & illud existit, animis hominum insitum esse, vel potius innatum veri falsique dijudicandi studium, quod Criticem appellamus; quæ quidem, quamvis arte ac præceptis perfici possit, habet tamen ab ipsa natura, unde profisciscitur, præcipua ac necessaria adjumenta, quibus instructa vel sine ulla arte ac ratione, quæ sunt in re quælibet vera & falsa, discernere ac dijudicare potest. Natura quippe inest humano ingenio vis illa ratiocinandi, quæ nos ex apta antecedentium & consequentium rerum colligatione ad veri falsique cognitionem nullo errore perducit. Sensus præterea naturæ homini dedit, quorum adminiculo ac ministerio ad rerum investigationem utatur, quos recte Platonis mentis inter-nuncios, quasque Satellites nominavit, eosdemque duces ad veritatem esse dixit. His quippe id muneris datum est ut singula sedulo explorent, & comperta menti renuncient, de quibus deinde ipsa judicium ferat.

Ex hisce liquido constare arbitror nullo modo audiendos, qui contendunt Majores nostros penitus rudēs ignarosque Critices fuisse, quæ tam antiqua est, quam

quam ipsa natura, tam hominis propria & naturalis, quam mens & ratio, unde nobis mira illa veritatis inquirendæ invenientæque cupiditas existit, quæ nullo nos vitæ tempore deserit, & cum aliæ omnes tardius exortæ, ætatis flexu delabantur, hæc una nobiscum nata ad extremam usque senectutem perdurat. An non igitur, qui antiquis criticem adimunt, hi suam illis rationem, communemque naturæ sensum eripiunt? Nam si nullo veri falsique dignoscendistudio majores nostri afficiebantur, si quidquid incertis auctoribus fama & auditione acceperant, delectu omni & discrimine remoto, temere litteris consignaverint, quemadmodum isti didicant; aut eos stupidos fuisse oportet, qui vim naturæ compellentis ad veri investigationem, revocantisque ab imprudenti assensu minime sentirent; aut vero dementes, atque insanos, qui cum ratione naturæque instinctu obnixæ ac perpetuo pugnarent. Quod si paucos ex antiquis Scriptoribus nominatim designarent, quibus istiusmodi focordiam, & eam, cui natura maxime repugnat, veritatis investigandæ incuriam objicerent, aliquid fortasse afferrent si minus certum, attamen non improbabile; fieri enim potest, ut singulis ætatibus aliqui reperiantur, qui vel stupore quodam, seu tarditate ingenii, vel vitio depravatæ voluntatis ab hoc perenni communique naturæ instinctu degenerent. Sed cum universe loquuntur, neminem excipiunt, & toti Antiquitati hujus incredibilis vecordię, prodigiosæque stupiditatis notam inurunt. Quem autem hoc sibi daturum putant, nisi nobis antea persuaserint omnes fere homines, qui superioribus ætatibus vixerunt, rationis propemodum expertes, & ad com-

mu-

XIII.

munem naturæ sensum adeo hebetes & obtusos fuisse, ut nulla veri falsique discernendi cupiditate afficerentur; quod perinde est ac si inter istiusmodi homines & pecudes aut etiam truncos nihil interesse existiment. Id autem hoc videtur esse incredibilius, quod huiusmodi reprehensionem præcipue intentant in Sanctos Patres & Ecclesiasticos Scriptores, quorum animis veri investigandi studium non solum communis naturæ ingenuerat, sed altius præterea infixerat ipsamet religio, cui nihil infensius, quam falsitas, nihil odiosius esse potest. Quapropter vel tacente natura, religionis voce admonebantur ne quid cuique temere crederent, præsertim ubi de rebus sacris ageretur; neque pro certo haberent, aut scriberent, quod sibi non satis constaret; ex quo facile fieri posset, ut error, aut etiam superstitio quædam in hominum mentes irreperet. Quare de maioribus nostris ita fere sentiendum arbitror, ut neque miracula, neque Divorum historias, neque aliud quidquam, quod ad religionem ac pietatem quoquo modo pertineret, antea vulgaverint, litterisve commendaverint, quam omnia, quoad ejus fieri posset, accurate investigarent, suoque judicio expenderent: nisi vero existimemus eos prorsus ignaros fuisse quid ratio, ac religio posceret, & quantum in hisce rebus examinandis diligentia cautioque præscriberet, ne & ipsi deciperentur, & alios in errorem sane perniciosum inducerent.

Verum proximo, & superiore sæculo (inquit aliquis) sunt quædam regulæ, ab hominibus perspicacissimis compositæ, quibus certa via ratioque recte judicandi traditur, & universum hoc studium, quod est

XIV.

est a natura, ad artem revocatur. Contra vero nullius veritatis internoscendæ notas apud veteres constitutas fuisse legimus, nullas formulas præscriptas, quibus veri falsique discrimen traderetur, cumque in judiciis ferendis unius naturæ ductum sequerentur, hoc propius aberant a periculo errandi, quo ars est dux certior, quam natura (13). Sed cedo, quæ tandem sint istæ regulæ, quas ab se primum inventas & excogitatas esse critici nostri gloriantur. Nonne ad eas leges revocari possunt, quas vel nemine sancte ipse ratio dicat; quasque in hominum animis ante natura insculpsit, quam in tabulis inciderebantur? Nam ad criticum historiarum studium quod attinet, hæc ferme isti præcipiunt: ut iis potissimum fides habeatur, qui suæ ætatis, suæque provincie monumenta litteris mandaverint, vel certe non longe abessent ab iis temporibus, locisque, quorum historiam scripserint: ut ceteris præferantur historici illi, qui vitæ motumque probitate excelluerint, quod in eos nulla mendacii fraudisve suspicio cadat; qui sive ad eligendum, sive ad iudicandum cum ingenii severitate prudentiam quamdam conjunxerint; qui denique vel communi hominum consensu, vel Ecclesie iudicio gravissimo & maximo digni censentur, quibus auctoritas & fides tribuatur: ad extremum ut ne quis cuique antea credat, quam, quanti quisque valeat, diligenter expendit; sitne suoque ingenio ad laudandum inclinatio, an ad carpendum; utrum dubia, utrum contraria narret, undeumat, quomodo sciat, a quibus acceperit, quorum partes sequatur, quibus adversus sit.

Hæc porro, & si quæ alia id genus Criticorum formulæ.

liæ continentur , non sunt profecto quæſita ex occulto aliquo genere litterarum , ſed ſumpta de medio , quæ ultro cuique occurrunt , & patent , in promptuque ſunt omnibus ; ut ad hæc regulas percipiendas , & ſiquando uſus eſt , adhibendas , præter vim atque induſtriam humano ingenio inditam , nulla fere doctrina atque inſtitutio extrinſecus adſcita requiratur . Quid enim in illis eſt tam ſubtile , tamque reconditum , quod ſua quiſque induſtria aſſequi nequeat ? quid tam factu difficile , quod quivis per ſe ipſe præſtare non poſſit , modo in id animum induſtriamque intendaſt ? quid tam cognitu neceſſarium , & obſervatu dignum , de quo nos ipſa natura non admoneat , quæ , cum cavere ab errore , veritatem veſtigis omnibus indagare jubet , vias quoque oſtendit , quibus inſiſtere oportet , ut hanc aſſequi , ab illo declinare poſſimus ?

Non eſt , mihi crede , cum illis artibus adnumeranda Critice , quas longinquitas temporum , & diurna multarum rerum obſervatio excipiente memoria , prodendiſque monumentis perficere ſolet , veluti Phyſicam , Medicinam , & quidquid ampliffima Mathematicorum ſcientia continetur : Eſt ſane , cur iſtiuſmodi artes juniorum induſtriæ vel plurimum debeant , quod ad eas augendas , & locupletandas aſſiduis longiſque experimentis multa indagaverint , deprehenderint , pateſecerint , quæ veterum diſigentiam , & investigationem ſubterfugerant . In hiſce artibus gloriatur , per me licet , ætas noſtra , qua cum de huius laudis principatu ne contendere quidem Antiquitas poteſt . At pars illa Criticæ , qua hiſtoriæ cuiuſque fides & auctoritas explorari ſolet , non tem-

po-

porum diuturnitate ; sed iudicii quadam maturitate perficitur ; neque constat ex observationibus , comprehensionibusque rerum investigatu difficilium , neque varia & multiplici experientia indiget , ut munere suo rite fungatur . Natura duce ac magistra contenta est ; artem si naturæ adjungas , non respuit ; sin minus , non admodum desiderat .

Quid quod vera illa , & summa lex recte iudicandi , quam critici omnes ceterarum principem vocant , jubentque ad eam reliquas hujus artis regulas exigi ac referri , nihil aliud est , nisi vis quædam æquitatis & prudentiæ insita in natura , qua fit , ut ubi ubi est sentiatur quodammodo & gustetur veritas , eaque sapore quodam suo a falsitate dignoscatur . Inest enim , inquit , sanæ menti , & naturæ bene compositæ suum quasi palatum , quo vera & falsa percipit ac dijudicat , quodque cogitatione facilius concipi , quam verbis exprimi potest ; nec magis arte comparatur , aut traditur , quam gustatus , sive odoratus . Ut autem quidam morbo aliquo , vel sensus stupore suavitatem cibi non sentiunt ; sic quibus sensus ille interior veri falsique arbiter aut vitiosus est , aut paullo obtusior , ii veritatis gustum non habent ; non quod illis omnino ingenium , sed quod criticum ingenium desit . Bene profecto habet . Quid ergo ? istiusmodi palato , quod nobis tam præclare sapere gloriamur , num majores nostri carebant ? An natura communis omnium parens intimum illud sensum , intelligentisque iudicium , quo veritas percipitur , & gustatur , veteribus quidem subrata denegavit , nobis vero unis æqua nimirum ac propitia ingenuit ?

Quid igitur est , quod in antiquis desiderari possit ,

XVII.

fit, quominus ad Criticam exercendam apti idoneique fuisse videantur? Num illis defuit prudens, illud sincerumque iudicium, quod vi quadam sua, ut modo dictum est, verum a falso discernit? At hoc illis erat commune cum ceteris cujusque ætatis hominibus; quippe quod non arte acquiritur; sed a natura donatur; quamvis olim similiter atque nunc alii aliis in eo genere præstarent. Num codicum & tabularum inopia laborabant, quibus fere simplex ac auda rerum gestarum veritas continetur? At utinam nos istiusmodi monumentorum tantam copiam haberemus, quanta majoribus nostris suppetebat: id autem quod nobis superest ex antiquis codicibus præsertim autographis, quantulum tandem est? alios illustrium bibliothecarum incendio absumpsit, alios clarissimarum urbium ruina obruit, alios vetustas ipsa confecit. Num rerum fama propter longinquitatem temporum hoc vitiosior, quo serius ad eos pervenit? quippe ex aliis in alias ætates propagata nunc augeatur, nunc imminuitur, & quo longius progreditur, eo pluribus depravationibus e vulgi sermone collectis inficitur. At ea quæ scribunt, vel ipsimet viderant; vel ab iis, qui viderant, acceperant; vel certe ab rebus gestis multo propius, quam nos, ætate aberant. Quod autem ajunt illos gravioribus curis distentos fuisse, quam ut temporis operæque quod satis esset, ad rerum veritatem inquirendam conferre possent, id suo arbitrato dicunt, ut scilicet per speciem majoris cujusdam laudis veteribus tribuendæ, de illorum auctoritate in rebus criticis impunius detrahant. Ceterum quæ tanta esse poterat occupatio, quæ majores nostros a cura investigandæ veritatis

C avo-

avocaret, ab eaque lege eximeret, quæ jubet temeritatem ab assentiendo procul esse, simulque veras incerta pro certis habere, posterisque tradere, præsertim ubi de iis rebus agitur, in quibus ferme illi versabantur, quæ ad religionem vel illustrandam, vel confirmandam referuntur?

Haud equidem negaverim quædam apud antiquos Auctores minus accurate cogitateque scripta, atque adeo perspicue falsa inveniri. Sed cujus est tanta solertia, tam vigil & experrecta, cui quandoque somnus non obrepat; tam vehemens & in omnes partes intenta, quæ non interdum cesser, & de summa sua contentione nonnihil remittat? Quis est tam lynceus, qui omnia videat, nihil offendant, nunquam incurrat? Humana hæc sunt, adversus quæ nunquam satis est cauta mortalitas, & quibus prudentissimus quisque, justissimusque rerum æstimator facillime ignoverit. Vereor quidem ne multa hujusmodi in antiquis reprehendamus, in quibus ipsi manifeste deprehendimur; quippe fere nemo est, quin acutius, neque acrius vitia in aliis, quam in seipso videat. Ex hoc enim tam ingenti hominum numero, qui nostra ætate præclaris operibus in lucem edendis typographos exercent, alii contentius, alii remissius ad munus susceptum cogitationem animumque applicant: sunt qui nimia credulitate peccant, sunt item qui metu errandi ne certissimis quidem rebus fidem adjungunt; aliis testes rerum, quæ narrant, defunt, auctoresque idonei, aliis subsidia librorum, aliis in vestigando contentio, aliis in judicando prudentia, aliis denique alia; & vel ii, qui diligentissimi, prudentissimique habentur, labuntur aliquando, & oneri cedunt, neque semper sic animum intendunt, ut nun-

XIX.

quam relaxent, operique nunquam indormiant: ex quo fit, ut in iis ipsis rebus interdum errant, quæ nostris temporibus accidunt, quæque in oculis, conspectuque omnium geruntur. Homines quippe sumus nihilo feliciori, quam majores nostri, natura ingenioque præditi, quibus vel acerrime contententibus sensim & sine sensu languor quidam irrepit, quique gravius sæpe tum labimur, cum omni ope & opera enitimur, ut nos a lapsu contineamus. Nunquam ego eorum opinionem probaverim, qui huic sæculo vel nova & prius incognita vitia affingunt, vel ita blandiuntur, ut negent iis morbis obnoxium esse, quibus veteres laborabant. Humana infirmitas atque imbecillitas a principe illo & auctore nostri generis orta ex aliis in alias ætates haud interrupto quodam quasi trāduce propagatur; & cum multa inde vitia, & incommoda oriuntur, iis æque nos ac majores nostri urgemur, quibus expediri liberarique nemo possit, nisi prius naturam ipsam exuerit. Est autem prudentis & ingenui viri illud summopere cavere, quod iis familiare est, qui avidius quam cautius censorium stylum exercent, ne videlicet quæ singularia sunt, & paucorum vitia, in omnes derivet, totiusque Antiquitatis criminandæ occasionem inde arripiat; neve siquid a quopiam infirmitate naturæ peccatum est, continuo putet, nihil ab eo recte fieri aut dici, nullaque in re eum dignum habendum esse, cui fides adhibeatur.

At non deerit fortasse, qui censeat plus Antiquitati a nobis tribui, quam res & veritas ipsa concedat. Nam, inquit, si majoribus nostris, quod attinet ad rem criticam, omnia paria nobiscum fuerunt,

runt, neque a nobis in eo genere vel natura, vel industria superantur, quid est quod illi nulla recte iudicandi præcepta tradiderint, quod vix hujus artis vocabulum in eorum scriptis reperiatur, quod denique nemo inter illos fuerit, qui se Criticum profiteretur, atque in id studium ex instituto ac præcipue incumberet. Contra vero quid est quod ætas nostra Criticorum referta sit, eorum studia in primis floreant, eorum nomen sic vigeat, ut nulli fere alii docti videantur. Criticis porro præceptis, institutis, disquisitionibus plenz sunt bibliothecz, pleni sapientum libri; hi leguntur, ediscuntur, in summo apud omnes pretio & honore habentur. Ex quo satis apparet, nostram hanc ætatem, ut aliis omnibus rebus inferior sit, in re tamen critica vel plurimum Antiquitati præstare, atque omnia, quæ ad hanc artem pertinent, posteros aut instituisse per se sapientius, quam antiquos, aut ab illis accepta fecisse meliora, & latius propagasse. Fateor equidem eo me compulsus, quo minime volebam; non quod difficile mihi sit respondere ad ea, quæ quæsitæ sunt, sed quod invita versatur oratio in iis rebus, quæ nec invidia carent, & longiorem disputationem desiderant, quam nostri instituti ratio postulet. Verumtamen audendum est in loco; nec erit, opinor, qui ferat iniquo animo, si exposuero, non tam quod mihi verisimilius videtur, quam quod prudentissimi sapientissimique viri sentiunt, qui hanc artem nimium vulgari, & ultra progredi, quam sit necesse, queruntur. Quæris igitur quid sit, cur Critice proximo & superiori sæculo a præstantissimis ingeniis colli, celebrarique cœperit, & latius in dies propagetur.

tur, & novis quotidie subsidii, ornamentisque au-
geatur; cur ex anteaclis ætatibus nulla possit inve-
niri, quæ majorem, quam nostra, Criticorum co-
piam effuderit, quæque criticis libris & disputatio-
nibus sit feracior. In promptu est causa, quam huic
interrogationi subjiciam, illa nimirum antiquarum
rerum farietas, & mutandi libido, qua fieri so-
let, non ut vera, sed nova (14) delectent. Præ-
claris quippe ingeniis, quibus hoc sæculum abundat,
nihil sane molestius est, quam tritas commu-
nesque vias insistere, neque satis suæ gloriæ & fa-
mæ post mortem futuræ consultum putant, nisi ali-
quid novi edere ex se, quasque procreare possint.
Cum autem in omni fere litterarum genere optima
quæque a majoribus occupata videant, & nihil pro-
pæmodum loci posterorum industriz, inventionique
relictum, ubi nova proferre nequeunt, vetera quo-
dammodo recidunt; & ut rebus antiquis novitatem
quamdam concilient, in iis enarrandis, referendisque
consulto a majoribus dissentiunt; quippe quod ita
quaeriat, non esse ex Critici dignitate, si quid-
piam apud se valent, quod jamdiu vulgatum est,
multisque commune; ex quo fit, ut hujus artis
vim præcipuam in eo sitam putent, ut nobilissimas
historias multarum ætatum fide confirmatas in con-
troversiam ac disceptationem vocet, veterum dicta
lente ac fastidiosè probet, & quod est tritum ve-
tustate proverbium, vel in scirpo nodos quærat.
Nam siquid forte fortuna invenerint, quod ex ali-
qua parte reprehendi possit, id continuo ad corri-
gendum & immutandum arripiunt; in eo se oble-
ant; in hoc docti ingeniosique haberi volunt, quod
anti-



antiquatis veterum sententiis novæ ipsi & inaudita comminiscantur. Huc scilicet spectat, huc homines impellit rerum novarum studium, & major gloriæ, quam veritatis assequendæ cupiditas: hinc autem novæ quotidie & a majorum sententiis discrepantes opinioniones oriuntur, hinc uberior in dies criticarum disputationum seges succrescit, hinc denique extitit hujus artis mirifica propagatio, in qua potissimum excellere creduntur non qui vera, sed qui nova proferunt, & cum novitatis studio plerique ducantur, inde fit, ut quamplurimi in Criticorum numerum certatim nomina dent, quod existiment, ad quælibet innovanda parere in hac arte licentiam, & illam viam sibi putent expeditionem ad nontinis famam & celebritatem, quam nullis veterum vestigiis impressam vident. Habes igitur causam, cur nostra & patrum memoria venerit, ut Critice tanto in honore haberi, summoque opere colli cœperit, & Criticorum numerus usque eo jam creverit, ut quemadmodum suum cuique seculo ingenium est, quasque suas ita nostrum hoc ubertate atque indole quadam sua Criticos ferre videatur.

At veteres illi & prisoi rerumstrarum scriptores, quibus simplex veritas, non inanis gloria cordi erat, nihil nimis exigue & exiliter ad calculos vocabant, nec subtilius, aut fastidiosius, quam oportet esset, in rem quamque inquirebant, graves illi quidem, & accuratos se in iudiciis ferendis præbant, sed quemadmodum ab temeritate in assentiendo longe aberant, sic illud sibi magnopere cavendum putabant, ne in nimiam quandam morositatem inutilem & odiosam incidissent. Quod rationi acverita-

ritati (15) consentaneum, quod ad pietatem excitandum idoneum erat, quod a maioribus acceperant, quod superiorum statum consensu ratum esse viderant, id summa cum fide posteris tradebant, haud ignari res historicas hujusmodi esse, quas non auribus statim, sed vulgaris cujusdam prudentiae trutinam expendi oporteret; & inique eum facere censebant, qui tantam in historiis evidentiam requireret, quanta inest aliis rebus, quae aut oculis percipi, aut certa ratione ac scientia comprehendendi possunt. Novitas porro semper illis suspecta fuit, cujus studio sit, ut illud maxime sequamur, non quod veritati proxime accedit, sed quod admirationem habet, vulgique plausus excitat. Erant illi simplices, aperti veritatis cultores, ab omni ostentatione & opinionum vanitate alieni; quod eorum scripta declarant, in quibus mira simplicitas inest, & quidam sine ullo fuso veritatis color, cujus tanta vis est, ut etiam sine ratione fidem rebus per se ipse conciliet. Nihil illi quidem litteris mandabant, quod non antea accurate investigarent, diligenter expendereut, sapienter dijudicarent; sed ubi quasdam insignes veritas notas deprehendissent, quae prudentissimi cujusque assensum elicere possent, his contenti erant, nihil ultra requirendum putabant; nam etiam investigandae veritatis est modus quidam retinendus, quem si quis praetergredi coeatur, nusquam inveniet, ubi consistat, nullum dubitandi & investigandi finem faciet; nolle autem in his acquiescere, quae prudentum judicio credibilia sunt, aut superbissimi ingenii est, aut fastidij delicatissimi. Quare majores nostri neque vim criticam ponebant in assentiendi fastidio, & in rebus

bus veltigandis haud magis incuriam, quam nimiam curiositatem vitandam existimabant; eo criterii genere delectabantur, cujus fructus veritatis cognitio esset, non opinandi vanitas, aut ingenii ostentatio; quippe boni critici reipsa esse, quam videri appellarique malebant. Hinc cum illi taciti quodammodo, sine strepitu, sine contentione, sine argumentorum apparatu contra, atque nunc fieri solet, hujusmodi artem exercerent, factum propterea est, ut nihil minus, quam Critica, in eorum scriptis emineat, & appareat criticæ facultatis expertes atque ignaros fuisse; ob eamque causam apud multos ita percreebuit, majores nostros, quod hujusmodi artem minime aperte profiterentur, ideo eam ignorasse.

Sed hæc aliquibus ne opinione quidem, nedum ad veritatem plane persuaderi possunt, cum sine appositione exemplorum lentius disputantur. Age itaque rebus & factis ex ultima antiquitate repetitis hæc illustremus, quæ argumentis subtilius, quam satis est, disputari videntur. Ac primum quidem gravissimæ illæ, & jam inde ab initio exortæ de numero Canoniconum librorum controversiæ, cum (16) alii alios vel probarent, vel rejicerent, magno argumento sunt viguisse apud veteres studia rei criticæ; quippe quod hujus artis maxime proprium ac præcipuum est librorum auctoritatem expendere, & veros a falsis, germanos a supposititiis dijudicare, ac distinguere. Præterea quis putet, majoribus nostris acumen criticum, & recte judicandi scientiam defuisse? qui tot falsa Evangelia miro ad decipiendum artificio composita sapienter, acuteque discreverint, ac rejecerint, qui nihil ficti, nihil insinceri, nihil de-

pro-

pravati, quod olim hæretici Apostolorum nomini, & auctoritati subiecissent, abire impune siverint, intactumque ab omni censura ad posteros pervenire, qui nullam, quæ de Apostolicis scriptis esse possit, controversiam prætermiserint, quam non dirimerent, vel pertractarent, & in utramque partem expendere, ut eorum industriz sollertizque debeamus, quod nobis jam fixum exploratumque sit, quæ recipi, vel repudiari, quæ certa vel dubia, quæ vera vel falsa, quæ sincera vel corrupta haberi oporteat.

Deinde, ut propius ad rem nostram accedamus, incredibile dictum est, quam se in colligendis probandisque Divorum historiis cautos & accuratos majores nostri præbuerint (17). Clemens Romanus Pontifex, idemque B. Petri discipulus septenos Notarios expertæ, imprimis religionis ac fidei viros constituit, & cum urbis regiones essent omnino quatuordecim, binas in singulos descripsit. His datum negotium, ut in ea, quæ cuique obtigerat, urbis parte Martyrum acta diligenter investigarent, & in tabulas referrent, verba ipsa exciperent, & simul cum totius Martyrii historia litteris mandarent. Hæc de S. Clemente scripta invenies in lib. de Rom. Pont., qui S. Damaso vulgo tribuitur: *Hic fecit septem regiones dividi Notariis fidelibus Ecclesiæ, qui gesta Martyrum sollicitè & curiose unusquisque per regionem suam diligenter perquirerent.*

Quæ Clemens in hanc rem sapienter instituit, ea (18) Fabianus centum ferme & quinquaginta post annis non confirmavit solum, sed etiam novis ad id creatis Magistratibus, conditisque legibus amplificavit & munivit. Is quippe septem Subdiaconos Notariis

D

præ-

præfecit, qui vel Acta conquirerent, traderentque Notariis describenda, vel ab iis collecta & descripta primum ipsi recognoscerent, tum Diaconorum censuræ, postremum Romani Pontificis iudicio ac sententiæ subicerent, vel certe id sedulo curarent, ut Notarii impigre ac diligenter munere suo fungerentur. *Hic regiones diuisit Diaconibus, & fecit septem Subdiaconos, qui septem Notariis imminerant, ut gesta Martyrum in integro colligerent.*

Manavit hoc præclarum institutum ab Romana Ecclesia in ceteras quoque Christiani orbis provincias, vel summi Pontificis auctoritate præscriptum, vel ab aliis Ecclesiis ultro receptum, quod unde fidei regulam, & bene beateque vivendi disciplinam acceperint, indidem optimatum rerum exempla petenda esse ducerent. Hujus consuetudinis latissime propagatæ vestigia ubique gentium intueri licet. Viguit iste mos in Achaja nobilissima Græciæ provincia, ut colligitur (19) ex Actis S. Andrea Apostoli, quæ a Presbyteris ac Diaconis conscriptæ esse dicuntur; viguit (20) in Asia: argumento est, quod primores Ecclesiæ Smyrnenfis extremum agonem, resque gestas S. Polycarpi, aliorumque Martyrum litteris consignarunt; viguit in Gallia: testimonio sunt litteræ publicæ de præclaris certaminibus Viennensium & Lugdunensium Martyrum ad Phrygiæ Asiæque Ecclesias perscriptæ; viguit in Ægypto: quippe Dionysius Alexandrinus Aristes, ut auctor est Eusebius, eorum, qui Alexandriæ sub Decio martyrium subierunt, Acta collegit, historiamque descripsit. Neque in hac re Africanæ Ecclesiæ studium & opera desuit; nam morem hunc perantiquum fuisse in Africa,

ea, & jam usque ab Apostolicis temporibus ductum, facile intelligi potest ex ipso procernio, quod Pontius diaconus Actis S. Cypriani Episcopi preposuit. Cum majores nostri, inquit, plebeis & catadumenis martyrium consecutus tantum honoris pro martyri ipsius veneratione dederint, ut de passionibus eorum multa, ac prope dixerim, pene cuncta conscripserint, ut ad nostram quoque notitiam, qui nondum nati fuimus, pervenerint &c.

Ac ne illud quidem silentio prætermittendum puto, quod hujusmodi Ecclesiæ Acta suorum Martyrum ad Antistitem perferenda curabant, qui ea, sapientissimis viris in consilium adhibitis, diligenter expenderet, & siquid irrepsisset a veritate, ac fide alienum, vel dedecori ipsis martyribus, & legentibus offensiculo futurum, pro sua ipse sapientia & auctoritate corrigeret, ut, cum probata essent summo totius Ecclesiæ Antistiti, tum demum rata haberentur, quæ Divorum fastis infererentur. Nec pauca suppetunt, quibus vetustus iste mos confirmetur, exempla, quæ videri possunt apud Joannem Bollandum Præfat. Gener. in Vitæ SS. apud Andream Sauffajum in Martyrolog. & (21) apud Mabillonium Sac. V. præfat. num. 93. Ex hisce liquido constare arbitror, quam temere, & inique faciant, qui veteres calumniantur, quod recte judicandi, idest criticæ artis ludi funditus ignoraverint, penitusque neglexerint; quodque nullo examine, nulloque delectu adhibito Divorum historias collegerint & approbaverint.

Quid quod jam inde a principio Christiani nominis Pastores, Præpositique Ecclesiarum suas esse ac præcipuas partes semper existimarunt, ut omnia, quæ

ad Divorum historias cultumque pertinent, in disquisitionem vocarent, vera ac probata seligerent, rejicerentque contraria, pœnis insuper in eos constitutis, qui aliquid hujusmodi falsum & commentitium vel reciperent ipsi, vel aliis obtruderent: id quod e sacris Canonibus, gravissimisque Conciliorum decretis cognosci potest. Inter eos (22) Canones, qui vulgo tribuuntur Apostolis, recensetur Canon quinquagesimus nonus, quo exauctorari & in ordinem redigi jubetur, qui libros impios ac supposititios pro sanctis ac genuinis populo venditet. *Siquis falso inscriptor impiorum libros, tamquam sanctos in Ecclesia publicat ad Cleri & populi perniciem, deponatur* (23). Synodus Laodicensis, quam, Silvestro Pontifice, coactam esse Binius existimat, eos anathemate perculit, qui religionis votique causa *ad pseudo-martyres acceperint*. Concilium Carthaginense sub exitu quarti sæculi Martyrum reliquiis, & altaribus cultum omnem abrogavit, quem non antiqua quidem, & gravissimis certissimisque monumentis testata religio sanxerit, sed nimia quorundam credulitas invexerit, qui somniis & inanibus visis, non secus ac divinis admonitionibus fidem tribuunt. *Omnino nulla memoria Martyrum probabiliter acceptetur, nisi ubi corpus, aut aliqua reliquie sunt, aut origo alicujus habitationis vel possessionis vel passionis fidelissima origine traditur. Nam quæ per somnia & per inanes quasi revelationes quorumlibet hominum ubicumque constituuntur altaria, omnino improbantur. Patres alterius Milevitane Synodi diligenter cavent, ac sanciunt, nequid Liturgiæ, publicisque Ecclesiæ precibus inferatur, quin antea receptum sit, & Concilii auctoritate comprobatum.*

tum . Placuit etiam & illud ut preces & Orationes seu Missæ, quæ probatæ fuerint in Concilio, siue præfationes, siue commendationes, siue manus impositiones ab omnibus celebrentur . Nec alia omnino dicantur in Ecclesia, nisi quæ a prudentioribus tractata, vel composita in Synodo fuerint ; ne forte aliquid &c.

Gelasius (24) Pontifex Maximus in Concilio septuaginta Episcoporum anno quinti sæculi 94. Romæ habito non solum libros omnes accurate recepit, quos in Canonem sacrarum Scripturarum recipi, quosve indidem expungi oporteret, sed præterea e veterum libris quamplurima nominatim persequens alia quidem digna, alia vero indigna esse iudicavit, quibus auctoritas & fides tribueretur ; &, quod præcipue ad rem nostram pertinet, nonnullas divorum historiarum reprobavit, aut certe vetuit in publicis Christianorum conventibus legi ; quod essent vel ab hæreticis scriptæ, vel inanibus & commentitiis rebus conspersæ, vel sine certo auctoris nomine prolatae . Gelasiani decreti particulam huic loco inferere pretium operæ visum est, ut vel hinc perspicere possit quantam in huiusmodi historiis examinandis, probandisque curam, ac diligentiam majores nostri adhiberent . Secundum auctoritatem antiquam vel consuetudinem singulari cautela in Romæ Ecclesia non leguntur (gesta quorundam Martyrum) quia eorum, qui scripsere, nomina penitus ignorantur ; & ab infidelibus, aut minus apte, quam rei, ordo ferat ; scripta esse putantur ; sicut cujusdam Quirici & Julitte matris ejus, sicut Georgii aliorumque passionum huiusmodi, quæ ab hæreticis probantur conscriptæ ; propter quod, ut dictum est ne vel levius subsannandi vi-

te-

setur occasio, in Sancta Romana Ecclesia non seguntur. Huc adde (25) Canonem 63. Trullanz Synodi Constantinopoli habitæ, exeunte sæculo septimo, quo commentitiæ Martyrum historiæ comburi jubentur: *Quæ a veritatis hostibus falso confictæ sunt Martyrum historia, ut Dei martyres ignominia afficerent, & qui eas audituri essent ad infidelitatem deducerent, in Ecclesia publicare non debemus, sed igni tradere. Qui eas autem admittunt, vel tamquam veris iis mentem adhibent, anathematizamus*: Actionem quinram (26) septimæ œcumenicæ Synodi, qua conficti ab hæreticis libri, suppositique Apostolis proscribuntur: *Iustum arbitrari sumus omnem eorum denudare impietatem, & publicare patenter errorem: quoniam & libros quosdam proponunt, præscriptiones habentes Apostolorum, per quos simplices decipiunt*: Canonem 42. Concilii Francofordiensis coacti anno 94. octavi sæculi, quo cautum est, ne cui publici cultus & honores adhibeantur, cujus sanctitas gravissimis non esset certissimisque monumentis probata: *Nulli novi sancti colantur, nec memorie eorum per vias erigantur; sed hi soli in Ecclesia venerandi sunt, qui ex auctoritate passionum, & vite merito electi sunt*. Sexcenta sunt huiusmodi, quæ proferam, si sit otium: sed vel hæc satis superque ostendent audiendos non esse, qui veteres in eo reprehendunt, quod investigandæ veritatis ignari, criticæque artis intelligentia ad præcavendum, recteque iudicandum destituti promiscue omnia seu vera seu falsa in Ecclesiasticam historiam, ac divorum factos receperint.

His igitur argumentis cum se Critici urgeri premique sentiant, & ab iniqua primorum Ecclesiæ sæ-

cu-

culorum accusatione depelli, in ea, quae deinceps consecuta sunt, tempore actionem instituunt, & hoc vehementius tam urgent, quod e quadam barbarie, communique illorum temporum inscitia probabilem sane criminandi causam, uberemque materiam nasci sibi esse videntur. Nam, ut inquirunt isti, inter nonum & decimum sextum Ecclesiae seculum quidquid temporis interfuxerit, id omne fœda quædam morum pariter, bonarumque artium depravatio late occupavit: quippe ad initium decimi seculi hanc morum corruptelam, & quemdam quasi litterarum interitum ferme referunt. Hinc magna rerum omnium ignoratio & confusio, optimarumque disciplinarum & ingeniorum depravatio; hinc quilibet audendi, fingendique impunitas, ac licentia, exiguum veri & falsi discrimen; hinc falsæ opiniones, erroresque populares, & superstitiones pene aniles; hinc denique colluvies illa librorum inanum ac futilium, quorum auctores in id conspirasse videntur, ut temporum suorum inscitia & credulitate abuterentur, partim imprudentia & ingenii levitate, partim malitia & decipiendi studio adducti, cum fabulas pro historiis, monstra pro miraculis ubique obtrudant, in eoque potissimum laborent, non ut vera scribant, sed ut mira quædam, & prodigialia ad oblectandam scilicet, capiendamque ineruditam plebeculam divorum fastis, reliquiis, miraculis affingant. Itaque rerum memoria falsis & commentitiis narrationibus viriata, perturbatis temporum ordinibus, confusis locis ac personis, mira quædam obscuritas universam Ecclesiam historiam pervasit. Nec vero ante discussa est illa caligo, quam decimo sexto incunte seculo graves & cor-

cordati viri lumen ingenii ac sapientiæ suæ in medium afferrent; & res divorum vere gestas à fictis fabulis immanibusque portentis, hoc est lucem a tenebris segregarent.

Hæc illi de Scriptoribus ætatis fere mediæ contumeliosius (27), quam verius. Fuerunt sane temporibus illis pessimi quidam & male feriati homines, qui vel de industria divorum actis fectas narrationes intexerent, atque historiæ nomen commentis fabulisque prætenderent; & quidem nulla ætas fuit, quæ non aliqua hujusmodi prodigia ac pestes historiæ protulerit; sed videant porro ne iniquum sit paucorum flagitia in omnes ejusdem sæculi homines conferre. Do atque concedo passim jacuisse per ea tempora bonas artes, ac politiores litteras barbarie situque oblitæ; ex quo effectum est, ut Scriptores illi aspero quodam & incompto dicendi genere uterentur. Sed nihil est, cur veritas rerum cum orationis barbarie conjungi nequeat; nec si omnem sermonis elegantiam neglexerunt, sequitur illico eos in eligendis item judicandisque rebus dissolutos ac negligentes fuisse; fieri enim potest, ut quis vera scribat, & ea, quæ scribit, polite eloqui non possit; quin immo quo cuique minus est verborum, eo major rerum cura & delectus esse solet. Nec incipias eo ad illa potissimum secula referendos esse Scriptores illos, qui divorum historias addendo aliquid vel demendo vel mutando interpolaverint; eisdemque temporum notæ, & locorum ac rerum descriptiones sæpe falsas, plerumque ineptas intexuerint. At ejusmodi interpolationes in iis ferme rebus versantur, quæ sive adsint, sive desint, nihil afferant, vel de-
tra-

XXXIII.

trahunt, quominus historiæ summa vera sit, & promodum integra atque illæsa permaneat; neque vero siquid falsū permittum est, continuo universam historiā rejici aut in dubium revocari oportet. At Divorum historiæ ætate illa ferrea conscriptæ tot ac tantis prodigiis refertæ sunt, ut, qui eisdem fidem adhibeat, eum bene & naviter credulum esse oporteat; in illis enim miraculorum monstra sæpius, quam vera miracula legas. Ut ingenue fatear quod sentio, id mihi nunc, quod sæpe alias, venit in mentem vereri, ne Critici nostri hanc unam regulam, ad quam omnia eorum judicia dirigantur, apud se valere decreverint, ut quidquid suo palato minus arridet, id statim rejiciant, atque omittis rationibus, & auctoritatibus suo quodam sensu animique affectione omnia dijudicent, Nimum vero quantum isti a miraculis abhorreant, argumento est quod acta Martyrum ad hanc ferme legem exigi præcipiunt, ut, quo quæque minus continent miraculorum, eo plus fidei habeant & auctoritatis. Vellem aliquid causæ subjicerent, cur sibi non probentur, atque adeo videantur incredibilia, quæ præter morem, præterque naturæ institutum divinitus facta esse narrantur; nam si nihil causæ asserunt, satis profecto declarant, se in hujusmodi rebus impetu quodam animi potius, quam consilio & ratione ad judicandum duci. An quod suis ingeniolis longe minimis assequi nequeunt, id divinæ potestatis modum excedit? perinde quasi necesse sit infinitam Numinis potentiam in eas angustias compellere, quibus humanæ vis intelligentiæ circumscribitur. Minime gentium, inquires. Nemo tam impius sit, quin fateatur plus a Deo effici posse,

E

quam

XXXIV.

quam quantum a nobis aut verbis exprimi, aut cogitatione effingi potest. Sed quæris unde constet a Deo facta esse, quæ commemorantur? unde tibi constet non esse facta? Habeo auctores, qui affirmant: profer, si quos habes, qui negent. Si profers, alter cum altero conferatur, & uter utri auctoritate præstet, videamus. Si nullum habes, vide ne temerarium sit, quod auctoris satis idonei testimonio comprobaturum est, id sine ulla ratione & pro tuo arbitratu inficiari. Huc illud adjicere juvat, quod propterea agere admodum adduci possumus, ut miraculis ac prodigiis fidem adhibeamus, quia Dei potentiam, ac bonitatem, quam ceteroquin mirabilem esse in Sanctis suis fateamur necesse est, non ipsius viribus, sed nostra imbecillitate, nostroque sensu metimur.

Urgent tamen, & de suscepta illorum temporum accusatione nihil remittunt; negant enim fieri potuisse, ut in tanta bonarum artium jactura, rerumque omnium ignorance quidquam loci Criticæ superesset; id mordicus tenent, in eo maxime persistent. Numquid igitur temporibus illis nulli erant pii, & docti viri, qui ceteris in ea rerum ac temporum caligine cæcutientibus clarissimum lumen præferrent, & vulgi fabulis pervagatisque rumoribus veras & graves Divorum historias opponerent (28)? An ignotum esse cuiquam potest, quanta vel sæculis illis eruditione, doctrina, sanctitate floruerint Monachorum Ordines, ceteræque religiosorum hominum familiæ? nullæ igitur apud eos litteræ, nulla fides, nullus veritatis amor, nulla denique via ratioque erat, qua veraces historias a fallacibus distinguere atque inter-

cernoscere possent? Satis constat, quemadmodum præclare docet Joannes Bollandus, præstantissimos quosque ex Ordine Monastico ad cetera eximia studia illud quoque adjecisse, ut Sanctorum res gestas quam diligentissime describerent, & nullum ferme Monachorum cœtum fuisse, quin ejusmodi codices, suum quisque, & sibi peculiariter descriptum asservarent, unde religiosæ sanctitatis vitæque exempla peterentur; idque ex eo constat, quod ferme non aliunde, quam e veterum Cœnobiolorum Bibliothecis probatissima quæque Divorum acta proferantur. In hujusmodi porro homines graves in primis ac prudentes, qui, omni ceterarum rerum cura deposita, ab ipsa propemodum pueritia se totos ad pietatis & doctrinæ studia contulerant, nulla vel fallaciæ, vel inscitie, vel nimis credulitatis suspicio cadit; de quibus sic existimari æquum est, eos ita religione & bonis artibus institutos fuisse, ut omnia ad veritatis & prudentiæ normam exigent, neque fabulas pro historiis venditarent, neque prius lecta auditaque litteris consignarent, quam ea prudenti accuratoque judicio expendere, ac seligerent. Præclaram in ea re operam navarunt, ut ceteros omittam, duo Monachi Fuldenses vel eruditione vel sanctimonia insignes (29), teste Georgio Wicelio, quorum alter fuit Ruggerus, qui ut pietate ac doctrina præstantissimus, ut is auctor tradit, sex ingentia volumina composuit anno fere quinquagesimo sexto undecimi sæculi; alter fuit Arnodolphus Cœnobita facundissimus, qui ante Ruggerum hunc diligentissimum scriptorem, inquit idem Wicelius, sudavit in eodem lucubrandi studio.

Nililo segnius in emendationem veterum codicum

incubuit Monachorum industria ; quod magno argumento est, Monachos ea tempestate fuisse & habitos esse Criticos in primis bonos . (30) Lanfrancus ex præclara S. Benedicti familia is , qui vergente undecimo sæculo Cantuariensem Pontificatum gessit, in id plurimum curæ operæque contulit , ut veteris ac novi Testamenti, ac Sanctorum Patrum libros aberroribus & mendis expurgaret , quæ scriptorum incuria vel inscitia invexerat . (31) S. Stephanus tertius Cœnobii Cisterciensis Abbas sacra Biblia per suos Monachos ad normam Hebraici Codicis restituenda & corrigenda curavit , quorum exempla Cistercii hodieque servantur . Ineunte duodecimo sæculo Archiepiscopus quidam Lugdunensis , cujus nomen memoria excidit , cum historiam de vita & cruciatibus Christi Domini multis mendis inquinatam atque oblitam, quam fieri posset , emendatissimam edi cuperet , ad id Monachos Cistercienses adhibuit , qui nequid in ea re diligentia curæque prætermitterent , Cluniacenses & Lugdunenses Monachos consulendos putarunt , eisdemque socios & consortes egregii laboris sibi adscriverunt . Multa hujuscemodi exempla suppeditat Joannes Mabillonius Tract. de Studiis Monast. part. 1. cap. 9. & seq. unde cognosci licet quantopere singulis ætatibus bonæ artes Criticæque studia apud Monachos vigerint .

Hæc si paullo attentius reputarent Critici, næ illi cautius & parcius de Monachorum studiis , optimisque disciplinis detraherent : nam Monachos potissimum designant , quorum inscitia ac vecordia litterarum depravationem jacturamque acceptam referunt , & , quod gravissimum est , illos unos fuisse contendunt

dunt fabularum omnium architectos, veteramque tabularum depravatores, eorumque Cœnobîa falsorum Chirographorum officinas appellant. Quæ cum temere & nulla ratione nulloque ætore satis idoneo in vulgus jactitent, jure meritoque in gravissimas prudentum virorum reprehensiones incurrunt. *Adeone*, inquit *Mabillonius* lib. 3. de re diplom. cap. 3. *absque ullo veterum testimonio id in totius Ordinis Monastici probum affirmare libet? Næ illa tam atrox accusatio non caret præcipiri censura.* Melchior Canus haud leviori censura Monachorum obrectatores perstringit lib. 2. de loc. Thebl. cap. 5. in resp. ad 13. argum. *Atqui irridere Episcopos &c. in Monachorum imperitiam insultare, quasi fabulas hujusmodi ventris gratia rudi vulgo inserant, & intrudent, hæc non puto equidem hominis ingenui esse, qui ad bonitatem fuerit a natura compositus, nedum ejus, quem Christus simplicem sicut columbam ad legem Evangelii formaverit.* Ab hujusmodi calumnia universum Monachorum ordinem egregie vindicarunt Joannes Mabillonius, itemque Martianus, qui gravissimis argumentis omnes hujusmodi accusationes diluere; ut neque illi nostra defensione indigeant, neque nobis necesse sit in hac re diutius immorari. Illud unum Criticos admoneo, ut secum ipsi reputent, quantum vel sacra vel profana Antiquitas Monachorum industriæ ac sollicitudinis debeat; quippe qui ab incendiis, direptionibus ac temporum injuriâ factum ætæque servaverint, quidquid veterum codicum ac monumentorum ad nostram ætatem nostrasque manus pervenit.

Ad hæc, (32) numquid sexcentos illos totos annos Ecclesiæ Pastores dormitarunt, cum vel acerrima

ma vigilantia opus esset ad detegendas cavendasque fraudes improborum hominum, qui, tamquam si offensa Ecclesiae sempiterna nox esset, ut comminiscuntur Critici, ita ruebant in tenebris, omnia miscebant, & falsis Divorum historiis diffeminandis imperitæ plebeculae credulitati insidias moliebantur? nulli igitur erant, qui pro suo munere atque officio in hujusmodi falsarios inquirerent, & animadverterent? nulli qui in Ecclesiae propugnaculis atque speculis excubias agerent, nequa vanitas vel superstitio Christianæ religioni ac pietati subreperet? nulli erant, qui commissum sibi gregem ab exitiabilibus sive inutilibus pascuis arcerent? quin immo affirmare licet, nihilo remissiorem per ea secula, quam superioribus & consecutis deinde temporibus fuisse Episcoporum vigilantiam ac diligentiam in id vel maxime intentam, nequa superstitione imbuerentur Christianorum animi, neve labes ulla sinceræ doctrinae, veræque religioni & vulgarium rumorum fece adhaeresceret. Quam multos e singulis illis ætatibus nominatim proferre possum Episcopos, quos ob singularem vigilantiam, & populis sibi concreditis navatam operam in Coelitum numerum Ecclesia retulit, quique insignem doctrinam ac prudentiam cum eximia sanctitate conjunxerunt? Quam multas aras per eandem secula everfas esse constat, quas inconsulta & temeraria vulgi credulitas falsis martyribus exstuxerat? quam multas consuetudines abrogatas, quas popularis levitas aut superstitio invexerat? quam multas reliquias vel igne abolitas, vel publicæ venerationi subductas, quod eas Episcopi vel suspectas haberent, vel supposititias esse certis indiciis comperissent?

sent? Præterea nemo ignorat, & plurima & longe celeberrima temporibus illis coacta fuisse Concilia seu Provincialia sive Oecumenica, in quibus cum gravissimis de rebus disceptatum fuit, tum etiam saluberrimis decretis cautum est, nequid falsi aut superstitiosi in Divorum historias cultumque irreperet? Multos canones in hanc sententiam sapientissime constitutos prætereo. Huc pertinet Decretum Concilii Romani, quod (33) Zacharias Pontifex anno octavi sæculi quadragesimo quinto convocavit; ex quo uno de ceteris istiusmodi synodicis sanctionibus conjecturam fieri velim. Hujus Concilii Patres Actione III, gravissimis notis inurunt sacrilegas quasdam preces, cultusque profanos Urieli adhibitos, & aliis nescio quibus commentitiis Angelis, quos Clemens & Adalbertus rudi plebeculæ obtruserant, eosque in coelestium Spirituum numero venerandos esse prædicabant. Quid quod illis ipsis temporibus cum incitia, discordia, barbaries, & fœda quædam humani judicii depravatio, ut Critici distant, longe lateque dominabatur, majori cura & diligentia cœptum est in eorum acta, virtutes, miracula, inquiri, quos Divorum nomine cultuque donari oporteret? Nam ritus publicæ ac sollemnis apothecosis, quam vulgo *Canonizationem* vocant, tum primum institutus est, constanterque usurpari cœpit, cum Alexander tertius, qui anno 1159. Romanum Pontificatum inijt, edito sanxit, nequis in posterum *Sancti* titulo, cultuve publico afficeretur, quin ab ipso Romano Pontifice post adhibitam ab eo pie ac præclare gestarum rerum investigationem sollemni ritu ac cærimonia consecraretur. Quamvis enim ix. sæculo: ineunte S. Suirbertum

tum Leo III. & post annos amplius trecentos Hugonem Gratianopolitanum Episcopum Innocentius II. Divorum factis adscripserint, nulla tamen tum lege vetitum fuisse invenio, quominus liceret eos in Sanctorum numero haberi, quos Episcopi vel Diocesanae Synodi publico cultu ac veneratione dignos esse judicarent. Duo igitur sapientissime constituit (34) Alexander. III., quæ deinde Innocentius III. confirmavit: primum ut Divos consecrare, præterquam Romano Pontifici, liceret nemini; alterum ut antequam sollemnes honores cuique decernerentur, quam diligentissima inquisitio fieret cum de vita ejus & moribus, deque rebus omnibus ab eo ad hominum salutem, & exemplum laudabiliter gestis, tum vero de iis, quæ divinitus ille & vivus patravit, & mortuus. Alexandri deinde auctoritas & institutum apud posteros valuit; quin immo aliæ ex aliis deinceps leges cautionesque adjectæ sunt, nequis fraudi vel errori locus esse posset; tamque lente ac prope fastidiosè res hæc peragitur, quamplurimis & quæstionibus habitis, & testibus jurejurando adactis, & viris sapientissimis in consultatione adhibitis, ut, si forte dubium esset, hominum ne judicio, an divino numine Sanctorum hominum Apotheosis decerneretur, tamen de illorum sanctitate tam testata explorataque addubitare non posset, nisi qui ex hominum genere humanam fidem funditus eximere vellet.

Ex hisce liquido constare arbitror nihil curæ ac diligentia prætermissum fuisse a majoribus nostris in illis rebus investigandis probandisque, quæ ad religionem quoquo modo referuntur, eos vero inique facere, qui universæ Antiquitati incuriam, rerum igno-

ignorationem, judicii levitatem, ac demum artis criticæ inscitiam objiciunt. Neque is ego sum, qui omnia Antiquitati concedenda prædicem, quasi Antiquis nusquam falli aut errare contigerit; quod majus quiddam est, quam quantum humana imbecillitas præstare possit. Sed in eo sapientissimi viri jure meritoque Criticos reprehendunt, quod ad elevandam totius Antiquitatis auctoritatem vagis quibusdam iisdemque falsis, atque adeo injuriosis accusationibus abutantur; quidquid non probant, vel suis opinionibus adversatur, id temere & nulla ratione rejiciunt, neque quidquam causæ afferunt, cur a majoribus dissentiant, nisi quod illi omnem Criticæ artis vim usumque penitus ignoraverint. Nobis vero certum ac deliberatum sit majorum vestigiis, quoad ejus fieri possit, ubique insistere; neque siquid a quopiam erratum est, ideo veteres omnes in eadem negligentia, & inscitia suspicione ponendi; neque vulgari illa, communique accusatione in universam Antiquitatem criticæ artis ignoratæ crimen intendere liceat, atque impune majorum placita ac decreta ad nostrum arbitrium revocare: siqua in re ab illis dissentiendum sit, & cur id fiat, gravissimas rationes subiciamus, tanta in dissentiendo reverentia, ut nihil de sacræ Antiquitatis fide & auctoritate per nos detractum esse videatur.

NOTATIONES

JACOBI COLETI.

(1) **H**Oc vehementer doluit etiam Joannes Mabilonius Criticorum sane princeps sapientissimus, qui in Tractatu de Studiis Monast. Tom. 2. cap. 13. hæc scribit: *Nihil nostra hac tempestate celebrius, quam aliorum censura vacare; idque universim adco-invaluit, ut vel ipsis mulierculis hanc artem profiteri sit nihil antiquius. . . . temerario ausu materias suapte sponte definiunt sine prævio earum examine. . . . etiam in iis quæ spectant ad orthodoxæ fidei dogmata; super his enim arbitrario plura identidem asserunt majori sane fiducia, quam si eadem Occumenicum enunciaret Concilium.*

(2) Hac de re egregie Tertullianus in lib. xv. contra Marc. *Quis inter nos determinabit, nisi temporis ratio et præscribens auctoritatem, quod antiquius reperietur, & ei præjudicans visitationem, quod posterius revincetur: nam, re ipsa multum roboris ad auctoritatem addit Antiquitas, inquit Facundus Hermianensis cap. vi. lib. vii. & D. Bernardus in epist. ad Canonicos Lugdunenses: Numquid Patribus doctiores & devotiores sumus? Periculose præsumimus, quidquid ipsorum in talibus prudentia præterivit. Nec vero id tale est, quod nisi prætereundum fuerit. Patrum quiveris omnino diligentiam præterisse. Sane & Bernardi ætate, & ea Cassiodori nullo vetustiore hujusmodi erant homines, qui putant esse laudabile, siquid contra antiquos sapiunt, & aliquid novi, unde periti videntur, inveniant; scribit ipse Cassiodorus in lib. de Divinis litter. cap. xi. Unde intelligas, Criticæ artis scientiam, & usum, immo abulum haud novum esse sæc. xv. inventum.*

(3) Hadrianus Bailletus Vitas Sanctorum descripsit, ediditque Parisiis an. 1701. cujus de vetustis Mariyarum Actis, & Divorum Historiis opinio multo impudentius videtur ab eodem prolata, quod, cum Hollandiæ historiam

riam ab anno 1609. ad suam usque ætatem consecerit, relique tum regionum, tum temporum propinquitate adeo sibi proxime gestas enarraverit, pluries turpissime erravit. Ceterum quam falso, quam calumniose ita senserit Bailletus, facile ex Ruinartio cognosces in egregio opere de sinceris Martyrum Actis, ex Antuerpiensibus Hagiographis, ex Actis Sanctorum Ordinis S. Benedicti; & licet minus accurati quandoque fuerint plures, qui Divorum nostrorum gesta posteris tradidere, nihil tamen, nisi difficillime credere æque virum est, ac singulis facillime assentiri, ait Mabillonius in Tom. 1. Operis laudati cap. 8.

(4) Si ita, igitur & Hieronymo, & Theodoro, & Palladio, & Gregorio Turonensi, tum Pontio, qui Cypriani Martyrium, & Paullino, qui Ambrosii vitam scriptis mandarunt, hisce, inquam, qui de rebus vel a se visis, vel sua ætate, vel unum alterumve ante sæculum gestis scripsere, quique morum integritate, doctrina, & eruditione florebant mentiri ac fallere nescit, minor habenda fides, quam nostris hominibus, qui ab illis Ecclesiæ historiam didicere post tot intervalla sæculorum; & quis sanus credat, idonea magis monumenta ad res suorum temporum discernendas, & judicandas iis defuisse, quæ ætatis nostræ Scriptoribus abunde suppetant? Quænam hæc Criticæ artis peritia? Ex iis, quæ dicenda sunt, aliqua ipse vidi: quæ autem non vidi, ab iis audiui, qui viderant, viris virtutis amatoribus, dignisque habitis, qui illos viderent, & eorum doctrina fruerebantur &c. De his autem ideo pluribus verbis disserui, ut me vera narraturum persuaderem. Theodoret. in præfat. Hist. Religios.

(5) De hoc inter Criticos celeberrimo viro hæc nuper legi in Tom. xv. libri Gallico sermone compositi, cui titulus *Europe savante, Europe sapient*, ubi de censura *Bibliothèque Auteurs Ecclesiastiques*, qui a Romana communione sejuncti sunt, ab eodem Dupino Gallice scriptæ: *Eadem semper inest illi scribendi velocitas, eadem illi levitas, sensuum moderatio eadem, & judicandi sagacitas, eadem in rerum questionibus præcepti inquisitio*, in

*is enarrandis indiligentia eadem . Idem semper ipse est Dupinus ; quod sane iudicium omnibus ejus scriptis peræque convenit : ceterum quomodo præcipitem rerum inquisitionem cum recto earundem iudicio componas ? ut enim crisis aliqua legitima sit , ac recta , eadem fere in ipsa præcautionis sunt habende , ac in ferendo iudicio , ait Mabillonius in laud. Tom. 2. cap. 13. Nihil secus mirum , si plures in Gallia viri doctissimi Dupinum erroris ac falsitatis gravissime arguerint , quibus suos libros passim insperlit ; ut ea , quæ ad religionem spectant , silentio præteream . Nam quod ad Sybillina oracula , eadem est Blondelli , ac Gallæi cum Dupino sententia ; quid vero est , in Criticis rebus a communi veterum sententia recedere , nisi veteres omnes cupuldam veluti stupiditatis insimulare ? cum Gallæus ipse recte quidem pro sua sententia , qua Sybillas olim extitisse probat , at multo rectius pro debita antiquis Scriptoribus reverentia pronunciaverit : *Maximæ Antiquitatis parti , & Historiæ contradicere hoc non adeo temere faciendum sine necessitate summa .**

(6) De Pimandro , & Asclepio , quibus nominibus inscribuntur duo Trismegisti libri , non est hujusce loci inquirere : videat , siquis Trismegisti , & ejus librorum historiam nosse cupit , Bibliothecam Græcam Fabricii . Hosce libros a Christianis confictos autumant nonnulli ; sed mirari lubet , quomodo veteres Patres , qui tot falsæ confictos libros probe dignoscere , & inter apocrypha rejicere potuerunt , tum Pimandri , tum Carminum Sybillinorum falsitatem minime agnoverint ; præsertim , cum eorum auctoritate adversus Gentiles ptererentur ; & sine libri nobis genuini supersunt , qui præ illorum manibus erant ? Re tamen vera Criticorum nostrorum mens , & ingenium plane patet , quale a Farlato describitur : ut suam tueatur opinionem Natalis , illorum Patrum auctoritatem , ac testimonia omnino contemnit ; Colomesius autem in notis apud Gotelierum subje-Ris Epist. 1. Clementis P. ad Corinth. , ut hujus de ave Phœnice reviviscente testimonium confirmet , Malo , inquit , cum Clemente nostro viro Apostolico , Tertulliano , Origene ,
Cy.

Cyrillo Hierosol. Eusebio, Nazianzeno, Epiphano, Synesio, Hieronymo, Ambrosio, Lactantio, Plinio, Seneca, Mela, Solino, Philostrato, Libanio, & aliis errare, quam Maximum, & ejus sequacium opinionem sequi, qui non tantum in his, sed in aliis divinis rationis humane imbecillitate metiuntur, & ancillantis naturæ legibus naturæ dominum circumscribunt: Colometio Fellus contentit vir apprime eruditus in iisdem notis, & Photium arguit, quod pro irritabili Criticorum indole de Phœnice narrationem vitio verterit Clementi. Quid igitur hoc aliud est, quam pro suo quemque lubitu Antiquitatis auctoritatem sibi vindicare; quod a nativæ Criticæ artis indole quam maxime abhorret.

(7) Quod per universæ Ecclesiæ statuta firmatum est, vel unius Episcopi auctoritati, vel unius provincie Concilio præferendum est. . . . quis nesciat. . . . Ipsa plenaria sæpe priora posterioribus emendari; docet etiam Augustinus in lib. 2. de Bapt. contra Donat. cap. 3. quoniam id Criticis nostris solum conveniat: at quam ob causam? nimirum ut aperiatur, quod clausum erat, & cognoscatur quod latebat: at quomodo? sine ullo typo sacrilicæ superbiæ, sine ulla inflata cervice arrogantis, sine ulla contentione livide invidiæ, cum sancta humilitate, cum pace catholica, cum caritate Christiana. Interea Patres Concilii VII. Oecumenici & Nicæni II. tum Constantinopolitani IV. Oecumenici VIII. aperte docent illi quidem actione tertia, hi canone primo regulas & canonicas constitutiones ab Orthodoxorum universalibus, necnon & localibus Conciliis traditas sancte esse servandas: Nicænum celebratum fuit an. 87. sæc. VIII. Constantinopolitanum anno 60. sæc. IX. Siquid autem juris Criticis istis in Concilio VIII. sæculo posteriora tribuendum esset, illud erit fortasse, quo Codices, in quibus describuntur, emendant, aut rerum quarundam historicarum narrationem minus diligentem corrigant; aut tempus, quo constituta fuerint, tuto definiant aut etiam fidos a genuinis Canonibus distinguant, & suis quosque locis restituant; in ceteris periculosius est errare, quam certam eorum auctoritatem, & testimonia alicujus erroris redarguere.

vi-

vide, quæ in hanc rem differit Auctor de Studio Conciliorum in Tract. edito Parisiis anno 1734.

(8) Equidem si de corrigendis sacris libris solummodo Simon loqueretur, vel impudentissima foret ejus sententia; quid Origenes, quid Hieronymus hac in opera præstitere, quibus Hebræorum præsertim Codicum subsidii fuerint adjuti, quanta vero ingenii vi, quanto judicii acumine laboraverint; tum sæculo VIII. quantopere in eandem curam incubuerit Alcuinus vir Græcis, & latinis litteris valde eruditus ejusque collegæ, ut Caroli Magni jussu sacros libros mendis abstergerent; hæc satis Simonis audaciam, & arrogantiam ostendunt. Equidem cæco quodam modo sequi majores per omnia est nos nostro privare judicio & ingenio, ait Canus lib. 7. de locis Theol. cap. 3. at majores ipsos suo demum privare & judicio & ingenio summæ est impudentiæ genus, & certum ignorantie indicium: nam eruditio timorem creat, imperitia confidentiam, uti est Græcorum vetus effatum.

(9) Et hinc illud tandem sequi necesse est; quod, cum scientiæ omnes tum sacre, tum profanæ sint Criticæ artis subjectum, omnes omnino veteres Scriptores sive sacri, sive profani inter ignorantie tenebras adeo deliquerint, ut eorum auctoritas aut nihili, aut minimi sit facienda: quod nimirum vellent, nova hæc litterarum columnina, hi nostrorum temporum Aristarchi, qui de universis Scriptoris sententiam ferunt, ut Ecclesiæ historiæ perturbent, ut certiora Divorum, summorumque virorum gesta in dubium revocent, ut argumentorum vim, quibus probantur, imminuant, infringant; dum ipsi suis inter sese cogitationibus miferrime evanescunt.

(10) Hoc Criticorum inter se ipsos, & adversus dissidium, quo acriter decertant, nota quædam est haud dubia, eisdem non de veritate inquirenda, quod sapientis Critici munus est, sed de suis tantummodo opinionibus tutandis sollicitos esse. Innumera sunt diffidiorum inter Criticos nostros exempla: de ipsa, qua Critica ars floruit, qua defecit, ætate incertæ sunt, &

XLVII.

variae illorum opiniones; defecisse putant nonnulli paullo post sextum Ecclesiae saeculum; stetisse ajunt alii ad saeculum usque octavum; alii tamen &c., qui ante saeculum sextum clauerunt, Scriptores omnium disciplinarum genere illustres suae subijciunt censurae: ideo, ut Hilarii Pictaviensis utar verbis in lib. 1. ad Constantium: *Dum in verbis pugna est, dum in novitatibus quaestio est, dum de ambiguis occasio est, dum de Auctoribus querela est, dum de studiis certamen est, dum in consensu difficultas est, dum alter alteri anathema esse coepit, prope jam nemo Christi est; incerto namque doctrinarum vento vagamur, & aut dum docemus perturbamus, aut dum docemur erramus.*

(11) Haud pauci sunt inter Criticos, quos hac nota reprehendas. Launojus vir liberrimi quam qui maxime in Criticis rebus ingenii hoc vitio laborat; idque illi exprobrat Hadrianus Valesius in sua *defensione Disceptat. de Basilicis*: cum enim Launojus in *Inquisitione in Chartam immunitatis monasterii S. Germani in moment. iv.* Childebeati regis Epitaphium pro sua sententia attulisset ex lib. 2. Aimoini cap. 29. deinde in §. 1. *Inquisitionis* ejusdem Epitaphium illud velut *insitum*, ac Aimoino falso attributum respicit: *ergone*, subdit Valesius, *quae pro falsis & supposititiis habes, his uteris cum tibi expedit? ergone tu qui veritatem te querere dixit, eam in falso & adulterino quaeris? quae tua fides est? sic te nobis illusurum putas?*

(12) Optima omnium definitio, si Criticam spectes, uti latissime patet. P. Honoratus a S. Maria in libro, cui titulus *Animadversiones in regulas, & usum Critices*, hanc definitionem illi Arti attribuit; *Ars est iudicandi de gestis Historicis, de Operibus, quae mentis operationes exercent, de lectionibus diversis, de sensu, de stylo, de Auctoribus eorum*: quam proinde nonnulli reprehendunt, quia nec Operis titulo, nec Critices naturae est consentanea: aptius enim dixisset: *Ars est iudicandi de rebus Historicis, de monumentis, de libris, & eorum Auctoribus*; vel si illam spectes, uti circa peculiare quoddam subiectum versatur; *Ars est iudicandi de bi-*
flo-

XLVIII.

historiarum rerum veritate, de auctoritate veterum Monumentorum, de Codicibus, de Traditionibus, de Libris, eorumque Auctoribus, qua & obscura illustrantur, & emendantur corrupta: quæ omnia ad Historiæ Criticam pertinent. Quamvis nec Mabillonius videatur rectam huiusce Artis definitionem proposuisse in part. 2. cap. 13. operis jam laudati: ait enim; Scientia est conjecturalis, docens modum recte judicandi de quibusdam operibus, præsertim Auctorum, eorumque scriptis: aliquando enim, non conjectura solum, sed certis adductis argumentis judicamus, neque de quibusdam tantum Operibus, sed de omnibus, in quibus Criticam exerceri oporteat.

(12) Præter ea, quæ de regulis Criticæ brevi complectitur Farlatus, animadvertendum est cum Mabillonio, in Criticæ Artis usu præcautiones easdem habendas esse, quæ in ferendo iudicio; igitur quatuor regulas ipse proponit, quas in quibusque rerum humanarum iudiciis ipsa quodammodo natura præcipit servandas, quasque propterea cuique tempori, & hominibus quibuscumque communes esse oportet in statuendis sive de civilibus, sive de capitalibus actonibus, tum de quavis re litteraria iudiciis. Oportet enim, ait Mabillonius, 1. rem, de qua iudicium fieri debet, iudici competentem esse. 2. Quod iudex, curam omnem studiumque impendat, ut punctum, quod controversitur, examinatum intelligat. 3. Quod non ferat sententiam, nisi convincentibus urgeatur rationibus. 4. Denique quod sit indifferens, & non opinionum acceptor. Igitur si recta iudicii ratio id postulat, si Antiquis in rebus ceteris deneganda non est, cur iidem denegatur in iis, quæ ad scientias, atque disciplinas, & ad Historiam præcipue spectant? de qua, illiusque Scripioribus quomodo sit iudicandum, vide Melchiorum Canum lib. xi. de locis Theol. cap. vi. & Mabillonium in loc. sæpe laud.

(14) Hoc ipsum ex Cassiodoro superius animadvertimus; & Vincentii Licinensis dictum hic inferi potest ad novitatis cuiuslibet reprehensionem ex cap. vi. Commonit. ubi Pauli Apostoli verba explicat: O Timothee, depositum custodi, devitans profanas vocum novitates. Devita,

utila, inquit, profanas vocum novitates; non dixit antiquitates, non dixit vetustates, immo plane quod e contrario sequeretur, offendit. Nam si vitanda est novitas, tenenda est antiquitas.

(15) Ut hujus loci veritas comprobetur, lubet integrum testimonium piissimi, ac doctissimi viri Joannis Gersonis hic describere ex opere, cui titulus, *Declaratio veritatum &c.* edito in Tom. 1. Opp. omnium pag. 22. In sexto gradu, inquit, veritatum, quæ Christianis hominibus proponuntur, sunt veritates illæ, quæ tantummodo faciunt ad nutriendam vel fovendam devotionem religiosamque pietatem, quæ scilicet magis inducunt ad inflammandum affectum, quam ad instruendum intellectum. Propterea sapientissime dixit Hieronymus, quod de talibus eligibilis est pie dubitare, quam temere definire. Respicit autem iste gradus legendas & miracula Sanctorum. & opiniones sacrorum Doctorum. quæ omnia suscipit Ecclesia, & legi permittit. quia proficiens ad commovendos affectus pios fidelium & in edificationem ipsorum; dum in talibus nihil de certitudine scitur esse falsum, quamvis etiam nesciatur, illud certitudinaliter esse verum. Hæc vir doctrina, judicio, ac prudentia vere summus; e quibus intelligas, & veritatem quidem esse in harum rerum narratione querendam; sed, dum falsitas, vel veritas ignota est, non est periculosum vel falsum, quod pia credulitas tantummodo cadat super probabilitate; inquit idem Auctor: de quo veteres illi maxime satagebant, ut & gestorum, quæ narrabant, veritatem assequerentur, aut saltem prudentum judicio veluti probabilia persuaderent, ubi certa deerat monumentorum auctoritas.

(16) Celebris potissimum est controversia inter Origenem & Africanum de Historia Susannæ a Daniele descriptam, quam ille ceu veram, ac germanam libri Danielis partem, ac *divinam* retinendam, hic ceu confictam, spuriamque rejiciendam esse putabat. Utriusque epistolæ hac de re scriptas vide in Tom. 1. Opp. Origenis: præcellit autem ingenti vi, judicii, & Critices acumine Origenis epistola, qui auctoritate usus

G

omnium

omnium Ecclesiarum, in quibus Susannæ historia Græco sermone exarata legebatur, veluti genuinum Daniælis opus esse eandem probat, tum hac sententia Africani perstringit: *Ille tanta de eximio, & per nullo munere, sed in ipso sermone, & sermone, & in ipso sermone*;

(17) Quæ de Clemente hic affirmat Farlatius, leguntur etiam in secundo Catalogo Romanorum Pontificum ex Codice ms. Regiæ edito a Papebrochio in Propylæo pag. 59. Ven. Edition. eademque habes in Codicibus Freheri, & Parisiensi, & Monasterii Bertiniani, uti Papebrochius ibidem testatur in part. 2. Apparat. prævii ex Præfat. Henschen. Liber tamen Pontificalis, de quo idem Farlatius, *Damasi certe non esse uno consensu viri omnes eruditi nunc sentiunt; aut vero Anastasi Bibliothecarii primus hic conatus fuit; aut alius ab eo sec. vii. hunc librum scripsit*: subdit Papebrochius ipse in Dissert. ad vitam Damasi in Opere laudato. Equidem Anterus quoque Romanus Pontifex *gesta Martyrum diligenter a Notariis exquisivit, & in Ecclesia recondidit*; uti præfert idem Catalogus; nec dubium est Papebrochio ex Præfat. Hensch. quin Anterus idem primæ partis primi Catalogi Pontificum Roman. si non scriptor, scribendæ certe auctor statui queat: cumque uno mense, aut ibidem Papebrochius, in suo Pontificatu ledere, videtur *gesta Martyrum exquisivisse necdum Pontifex*. Immo Acta SS. Urbani & Callisti videri a S. Antero scripta dicemus xxv. die, & x. Maii.

(18) Ita & in laudato Catalogo secundo.

(19) De hisce Actis dubitare videtur Mabillonius part. 2. cap. 8. de Studiis Monast., de quibus, inquit, *Scriptorum neminem ante octavum sæculum meminisse novimus; quamquam videtur Missalis Gotbici Auctor ante annos mille ea legisse, ac notasse fella die ejusdem Sancti Apostoli*. Sed Carolus Christianus Vvoog in opere, quod de Actis iisdem, seu Epistola Presbyterorum & Diaconorum Achajæ de Martyrio S. Andreae Apostoli edidit Lipsiæ an. 1749., Exercitat. 3. §. 13. eruditissime probat adversus Tillæmonium, genuina esse ac sincera hujusmodi Acta, ea-

que descripta anno circiter octogesimo sæculi primi, *quæ
Auctores hujus Epistolæ ipsi Martyrio interfuerunt*; uti S. XIX.
ostendit contra Caveum, qui ad annum LIX. eandem
rejecit Epistolam in Hist. Litt. Script. Ecol.

(10) Docte pieque, uti decet Criticum virom Catho-
licum, disserit de Actis hisce, quæ Farlatum indicat,
Theodoricus Ruinartius in Opere de selectis Martyrum
Actis; quæ de Smyrnenfibus, & Lugdunensibus Mar-
tyribus servantur, ad posteros transmisit Eusebius Cæsa-
reensis lib. 4. cap. 15. & lib. 5. cap. 2. Historiz Eccles.
Sed Smyrnenfia integra edita fuerunt e vetustis Codic-
ibus Londini ab Jacobo Usserio, uti Valefius ea pro-
fert in notariis Eusebii Historiz subjectis; qui ar-
bitratur præterea Lugdunensium Actuum Scriptorem
fuisse S. Irenæum tunc Lugdonensis Ecclesiæ Presbyte-
rum. Porro Dionysius Alexandrinus Antistes gesta Mar-
tyrum Alexandrinorum describit, qui anno etiam an-
te imperium Uicij martyrium subierant. Id ipse te-
statur in epistola ad Fabianum Antiochiæ Episcopum;
quam Eusebius in lib. 6. cap. 47. suæ Hist. rerulit: Οὐκ
αὐτὸ τὰ βασιλικὰ πρὸς κύριον ὁ διωγὸς καὶ ἐν τῷ ἔργῳ,
ἀλλὰ τὸ ὅλον ἰσχυρὸν πρὸς λαβὴν: quod etiam Valefius ibi-
dem animadvertit.

(11) Unius Mabillonii testimonium & auctoritatem
subjicio ex loco laudato: nam ex antiquo Codice Ob-
rechtino, ut in se appellat, hæc refert de Actis S. Vi-
gilii Episcopi Tridentini & Martyris: *Gesta beatissimi
Martyris, ut moris erat, urbis Romæ Episcopo transmissa
sunt, ut sacris Martyrum memorialibus inderetur: passus est
Vigilius paullo post sæculi quinti exordia. His ve-
ro subdit Mabillonius: Sæculo quinto, vel certe non
multo post acta Martyrum saltem ex Italia ad Romanum
Pontificem ex more mittebantur, ut vel ab eo auctoritatem
acciperent, vel ut in Romano scrinio asservarentur, vel
denique ut in sacris Romanæ Ecclesiæ diptychis Martyres
locum obtinerent. Tum num. 95. Magnam etiam cautionem
adhibebant Episcopi etiam altarum regionum inter sese:
immo etiam fideles ipsi aliquem pro Martyre soli vix ser-
bant, nisi acta martyrium indubitata confessarentur; quod.*

G. 2. plu-

pluribus probat exemplis ex Optato Milevitano, ex Carthaginiensi Collatione, ex Historia Socratis, ex S. Martino Turonensi, & Gregorio Lingonensi Episcopis, ex Lemovicensi Concilio an. 1031., tum ex epist. 37. lib. 12. Gregorii M. ad S. Augustinum.

(12) Canonum Apostolicorum auctoritatem egregie vindicat Guillelmus Beveregius tum in iudicio eisdem præposito in Tom. 1. Patrum Apostol. a Cotelerio edit., tum in eorum defensione adversus Dallæum lib. 1. cap. 1. num. 4. inserta Tom. 2. Operis ejusdem; censet autem, secundo exeunte, vel initio tertio sæculo constitutos editosque fuisse, & a Clemente Alexandrino in unum fortasse colligi cæptos cum Constitutionibus Apostolicis: & lib. 2. Defens. cap. 7. num. 4. hunc præcipue Canonem de libris hæreticis contra Dallæi argumenta disertissime tuetur. Est hic numero sexagelimus ex Græco Codice Bodlejano a Beveregio vulgato Tom. 1. Pandect. Canon. Εἰ τις τὰ ψευδωγράφα τῶ ἀποβυβλίου βιβλία, ἢ ἐγγράφια τῆς ἐκκλησίας δεικνύσῃ, ἢ τῶν αὐτῶν τὰ ἅγια, ἢ τῶν κλήρων καθολικῶν. In libro autem sexto Constitut. Apostol. legitur caput 16. περὶ τῶν ψευδοπροφητῶν βιβλίων, quorum aliquot referuntur. Porro ad rem nostram gravissima est Beveregii sententia in ipso Defens. laudatæ præmio: *Eo temeritatis delicta hac nostra ætate deventum est, ut nihil propemodum in ipsa sit religione Christiana, quod non vel privatim in dactum, vel in controversiam publice vocetur.*

(13) De tempore Synodi Laodicenæ varia est eruditorum opinio. Beveregius suspicatur Canones Laodicenos constitutos fuisse anno 365. multoque est vero similior ejus, quam Bini sententia. Hic Canon est numero 34. Ὅτι εἰ δὲ πάντα γράμματα ἑγγράφωταις μάρτυρας ἔχουσιν, & ἀπὸ τοῦ ποδὸς τοῦ ψευδομαρτυροῦ, τῶν ἐπὶ αἰρετικῶν, ἢ αὐτὰς τοῦ προσηγορευομένου ψευδοῦς, ἢ πρὸς τὸν ἀλλότριον τὴν δὲ ταυτολογίαν ἔχοντες εἰς ἀνάθεμα οἱ ἐπιτρέχοντες τοῖς αὐτοῖς. Notat autem Zonaras, quosdam ex hæreticis, dum Christiana religio insensu principum odii agitaretur, cruciatus pertulisse, atque in tormentis usque ad necem obdurasse, quos proinde iustarum martyrum gregales venerabantur: 716

verum pseudo-martyres atque a Deo alienos hic Canon appellat. Vide Tom. 1. Pandect. Can. pag. 468. & Tom. 2. pag. 196. in notationibus Beveregii. Concilium Carthaginense, quod innuit Farlatus, habitum est anno 398. Canon vero allatus numero decimus quartus. Milevitanum secundum ad annum spectat 416. Canon est duodecimus.

(24) Haud temere Farlatus Decretum hocce Gelasio attribuit, quod magna virorum hujus ævi doctorem conspiratione eidem adscribitur, inquit Pearsonius in Vindict. Ignat. part. 1. cap. 4. ubi in id maxime incumbit, ut probet, decretum ipsum ab ignoto Authore confectum fuisse, nec posse inter Gelasii decreta censeretur. Nostrium non est in hac controversia disserere, circa quam viri plane eruditi, alii pro Gelasio, alii contra disputant.

(25) Græcus Canon Trullanus est hujusmodi: Τα ψευδῆ ὄντα τῆς ἀληθείας ἐχθροὶ συνεκασθέντα μετὰ τὴν γὰρ, ὡς καὶ τοὺς γὰρ ἐκείνους ἀποκρίσας, καὶ πρὸς ἀποκρίσεις ἐκείνων ἰσὺς ἀποκρίσεις, καὶ ἐπὶ ἐκκλησίᾳ συνεκρινέντων ἀποκρίσεων ἐκείνων, ἀλλὰ πάντα τοὺς ἐκκλησιαστικοὺς τῶν δὲ ἰσὺς ἐκκλησιαστικῶν, καὶ ὡς ἀληθῆς τῶν ἀποκρίσεων, ἀποκρινόμενοι. Balsamon, Zonaras; & Aristenus hic animadvertunt, Canonem hunc sancitum fuisse adversus Ethnicos, aut etiam hæreticos homines, qui falsa, & improba Martyrum Acta confingebant; ut sanctis Martyribus irriderent: subdit vero Balsamon, Metaphrastem iccirco repurgandis, & exornandis Martyrum certaminibus studuisse; tum narrat de Nicolao Muzalon Patriarcha Constantinopolitano an. circ. 1147. qui vitam S. Parasceves inepte, indoste, ac indigne scriptam comburi iussit.

(26) Lecta sunt hæc verba in Actione v. Septimæ Synodi Oecumenicæ & Nicenæ secundæ ex libro S. Amphiloicii Episcopi Iconiensis de falsis superscriptionibus hæreticorum: Δίκαιον δὲ ὑποθέσθαι αὐτῶν γυναικῶν ἢ αἰσίων, καὶ δημοσίων αὐτῶν τῶν ἐκείνων, ἐκείνους ἐ βιβλία πρὸς ἀποκρίσεις ἐκείνων ἐχόντων τῶν ἀποκρίσεων, δι' αὐτὸν ἀποκρίσας ἐκείνων. Quæ recitatis, librum illum, cujus pars in

Concilio perfecta fuerat, cuique titulus fuisse inscriptus videtur *Itineraria Sanctorum Apostolorum*, Tarasius Patriarcha Constantinopolitanus, & Synodus uniuersa, probato Amphilochii testimonio, censuit damnandum, uti alios quosdam in eadem Synodo ad legendum propósitos.

(17) Sane quæ Joannes Launojus de celebrioribus media ætate scholis, quæ de Academiis Jacobus Middendorpius, quæ, ut ceteros sileam, de scholis Germaniæ in suo itinere Germanico, de viris omniæ generis doctrinæ, atque eruditione per ea sæcula præclarissimis scripsit Mabillonius in *Præfat. ad Acta Sanctorum Ord. S. Benedicti*, summæ vel impudentiæ vel inscitæ Criticos istos coarguant, quorum ea demum tota laus est, ut mortuorum contemptu atque inimicitiiis clarescant.

(18) Neque hæretici homines hanc laudem Monachorum cœtibus denegare potuerunt: quare Joachimus Vadianus in lib. 7. de Colleg. & Monaster. Germ. In *Præfule*, inquit, *dæ res potissimum spectabantur pietas & eruditio. Pietatem a vitæ innocentia, & diuini cultus amore metiebantur; eruditionem vero a iudicio, & a doctrinæ præstantia, quam quia paullo maiorem habebant illa sæcula, persepe accidis, ut & Monachi doctrinæ fama commendati, & quod omni studiorum facultas eo tempore præcipue in monasteriis regnabat, in Episcopos electi, & summis sedibus præfæti fuerint. Tum in libro eodem: Cura aliqua studiorum illis sæculis fuit in Monasteriis. Id quod testantur bibliothecæ plures præcipue Fuldensis, Laurisheimensis, Hirsaugiensis, & Casariensis prope Nordlingam, aliæque non paucæ in Germania; quas inter & ea, quæ S. Galli est, merito censetur, optimis quondam libris & selectis referta. Joannes autem Marshamus in *Proptælo Monastici Anglicani* testatur, *Monachatum olim fuisse partem gentis Ecclesiasticæ, & parietes cœnobiales diu sanctiatis, & melioris litteraturæ fuisse sepes, ex illo Seminario proditisse illa Christiani orbis lumina Bedam, Alcuinum, Vvillebrordum, Bonifacium, atque alios ob propagatam fidem, & doctrinam impense colendos; additque; absque Monachis nos sane in historia patria semper effemus pug-**

pueri. Quid adco verum, ut eorum temporum monumenta quævis ferme natio in Europa Monachorum Chronicis debeat, quæ plurima ab iis descripta hac nostra ætate e bibliothecis, & tabulariis Monasteriorum prodierunt. De Actis porro Divorum inde erotis vide Hagiographos Antuerpienses, & Acta Sanct. Ord. S. Benedicti.

(29) Vide ejus Hagiologium editum Moguntie anno 1341.

(30) Clericus olim in Tom. 2. Art. Crit., & nuperissime Falsterus in part. 3. Amœnit. Philolog. disc. 12. Lanfrancum calumniantur veluti Divinorum librorum corruptorem; cum e contra Thomas Tannerus in Biblioth. Brittanico-hibernica hoc illi laudi tribuit testimonio usus Vvarithoni A. S. Tom. 1., quod multos veteris & novi Testamenti libros scriptorum vitio corruptos correxerit. Lanfrancum virum doctissimum vocat Guiraudus Episc. Aversanus in lib. de Corp. & Sang. Christi contra Bereng. & Joannes Pitreus in lib. de illustr. Angli. Scriptor. Vir, ait, ingenio, pietate, doctrina cum præcipuis quibusque sui temporis doctoribus merito comparandus erat Lanfrancus. Avidum hominis ad doctrinam ingenium quicquid erat ubi vis gentium scientiæ fitebat ardens, imo imbebat diligenter. Quin libros Divinos, quos rudis simplicitas Anglicana corruperat, ab antiquo sane diligenter correxit; uti Florilegus ad an. 1089. in notis Vitæ Lanfranci subiectis, editisque cum ejus Operibus Parisiis an. 1642. & Matthæus Parisius in Hist. Anglor. ad eundem annum; Lanfrancus libros veteris ac novi Testamenti Scriptorum vitio corruptos corrigere suavit, cujus emendationis luce tam Anglorum Ecclesia, quam Gallorum se gaudet illustrari. Quid igitur in Clerico, & Falstero reprehendas, nisi impudentissimam obsecrands libidinem, & arrogantiam?

(31) Edidit Mabillonius in Tom. 5. Opp. D. Bernardi *Censuram Stephani Abbatis Cisterciensis Secundi de aliquot locis Bibliorum*, quæ præposita est Codici Bibliorum Monasterii Cisterciensis jussu ipsius Stephani exarati; & ad calcem hæc leguntur 1. Anno MCIX. ab In-

car-

carnatione Domini liber ille finem sumpsit scribendi gubernante Stephano II. abbate Cœnobium Cisterciense. Ibidem habes Acta Capituli Generalis Ord. Cisterc. anni mxcxvii; quæ Archiepiscopi Lugdunensis iussione a Farlato memoratæ obtemperandum statuitur.

(32) Innumera essent, quæ proferrem, si exemplis hunc Farlati locum illustrare vellem. Nam quod ad Historiam Divorum attinet, libellus de vita & miraculis venerabilis Udalrici Episcopi Augustani a frequenti Episcoporum conventu coram Joanne XV. Pontifice probatus est an. 995. Vita & miracula B. Viboradæ Elzementis II. P. auctoritate dicitur laudata a Burchardo Monacho cap. 6. S. Conradum Constantiensis Episcopum haud ante in Divorum numerum referri iussit Callistus II., quam vita ejus in Concilio generali recitaretur, & comprobaretur; uti ejusdem Pontificis litteræ testantur ad Udalricum Constantiæ Antistitem. Innocentius vero II. an. 1134. Hugonem Gratianopolitanum, cognita prius vita ejus, & auditis, quæ per eum fiebant, miraculis, tum audita vita laudabili beati Sturmii Abbatis Fuldensis, cognitis etiam ex parte miraculis ejus, utrumque eodem honore donavit: ex Præfat. in Sæc. v. Benedicti. Fulbertus Carnotensis in Serm. de Nativ. Virginis quemdam librum de ortu ejus & vita scriptum minime in Ecclesia legi, seu apocryphum, permisit. Quod de lepra Constantini legitur, tanquam apocryphum, quia in nullis libris authenticis, neque in Chronicis legitur, rejecit jam Goffridus Viterbiensis Presbyter in Chronico part. 16. In Sanctorum probandis reliquiis eandem Episcoporum curam, & Abbatum deprehendes ex Conciliis, & Scriptoribus mediæ ætatis. Guibertus Abbas Novigentinus in lib. de pignoribus Sanctorum, Sancti-medardenses Monachos arguit, qui dentem Salvatoris habere se afferebant. Statuit Carolus Magnus in Capitulari an. 801. de sanctis noviter inventis, ut nisi Episcopo probante minime colerentur; & Concilium Moguntinum anni 813. can. 51. ne corpora Sanctorum de loco ad locum transferri queant sine consilio Principis, vel Episcoporum, & sanctæ Synodi licentia. Quot autem, & quæ

vis

LVII.

vis ad hanc veritatem dignoscendam testimonia & monumenta facile colliges ex ipsis mediæ ætatis Auctoribus, præsertim vero ex Annalibus Ord. Bened. & Aëtis SS. Ord. ejusd., & Annal. Camaldul. summa eruditione, & sagaci judicio confectis.

(33) Adalbertus Gallus natione, & Clemens Scotus ambo hæretici in hac Synodo damnati fuerunt: Adalberti vero præsertim de Angelis quibusdam a se confictis error reprobatus a Patribus Concilii; quia non nomina Angelorum, sed nomina Dæmonum sunt, quæ in suis orationibus invocavit ad auxilium præstandum sibi. Vide Tom. 8. Vener. Collect. Conc.

(34) De Sanctorum Canonizatione ex veteribus monumentis erudite dissecit Mabillonius in Præf. ad Sæc. v. Benedictin. qui ceteroquin veluti falso confictas reperire litteras Leonis III. P. de S. Suisberti Canonizatione, & ab Alexandro III. primum, deinde ab Innocentio III. hanc potestatem Divos conferendi nemini in posterum præterquam Romano Pontifici tripundam decretum fuisse testatur. Papebrochius in Dissert. subjecit vitæ Joannis XV. P. de Suisberti Canonizatione idem sentit ac Mabillonius, sed in dubium revocat Decretum Alexandri III. de attributa in posterum Romanis solum Pontificibus Divorum Apotheosi. Parlatius D. Suisberti Apotheosin a Leone celebratam fuisse affirmat Bellarmini, aliorumque testimonio, qui in eadem sunt sententia. Certius sollempnis Apotheosis monumentum a Romano Pontifice primum institutum extat in Actis Joannis XV. P., qui Udalricum Augustanum Episcopum Divorum factis inseruit anno 993. Cetera, quæ ad hanc rem spectant, vide in doctissimo Opere de Canonizatione Sanctorum a Benedicto XIV. Pontifice elaborato.

F I N I S.

NOI RIFORMATORI

Dello Studio di Padova.

A Vendo veduto per la Fede di Revisione, ed Approvazione del P. F. Gio: Tommaso Mascheroni Inquisitor General del Santo Officio di Venezia nel libro intitolato; *Artis Critice inscitia Antiquitati objecta refellitur*, Ms. non v'esser cosa alcuna contro la Santa Fede Cattolica, e parimente per attestato del Segretario nostro, niente contro Principi, e buoni costumi, concediamo licenza a Niccolò Coleti Stampator di Venezia che possi essere stampato, osservando gli ordini in materia di stampe, e presentando le solite copie alle pubbliche librerie di Venezia, e di Padova.

Dat. li 6. Gennaio 1776.

(Alvise Vallareffo Rif.
(Andrea Tron Kav. Proc. Rif.
(Girolamo Ascanio Giustinian Kav. Rif.

Registrato in libro a carte 335. al num. 886.

Davidde Marobesini Segr.

MAG 2020226